

330
2.
QVADRIPARTITI
VNIVERSAE
PHILOSOPHIAE
COMHENDII
PARS
METAPHYSICA.



ROMAE,
Typis Hæredum Corbelletti.
Anno MD, C. L. +



331
INDEX

CAPITVM

METAPHISICAE.

DE *Metaphisicæ*
Natura ac Obie-

cto. cap.1.pag.1.

De Ente; Vbi de distin-
ctione essētiæ ab exi-
stētia, & graduum
essentiæ inter se.

cap.2.pag.3.

De entis proprietatibus,
cap.3.pag.32.

De ente creato, & in-
creato. cap.4.p.47.

De ente substantiali, &
ac-

accidentali. Vbi de
subsistentia. cap.5.
pag.63.

De Ente singulari, &
uniuersali. c.6.p.76.

De ente absoluto, & re-
latiuo. cap.7.p.101.

De ente negatiuo. ca.8.
pag.125.

De ente rationis. cap.9.
pag.

PHILOSOPHICI

COMPENDII.

PARS

METAPHYSICA

CAPVT I.

*De Metaphisica Natura,
ac Obiecto.*



ETAPHYSI-
CA, sic di-
cta, quia,
naturæ cor-
poræ limi-
tes super-
gressa, per
omnia, quæ sunt, aut esse
possunt liberè vagatur, non
ad res modo spirituales, sed
ad ipsum etiam Deum se ex-

4

ten.

tendendo; (vnde etiam Theologia naturalis sibi nomen inuenit:) cum aliarum omnium scientiarum principia probet, vel terminos explicando, vel deducendo ad impossibile, vel per principia quedam vniuersalissima, ac lumine naturæ notissima, qualia sunt: *Quodlibet est, vel non est: Impossibile est idem simul esse, & non esse: Totum est maius sua parte: &c.* Omnium Scientiarum prima est, ac præstantissima.

2 Eius obiectum considerationis est ens latissimè acceptum, pro vt compræhendit, non solum ens reale positiuū, sed etiam negationes, & entia rationis; De his enim omnibus agit. Obiectum tamen attributionis est solum ens reale, vt ens est, quia huius solum principia, & proprietates per se inquit; Si-

CUS


De Metaphysica, &c. 3

cut in Physica, solius corporis naturalis principia, ac proprietates per se inuestigantur; cum enim ens reale, sub hac entis formalitate, multas habeat proprietates scitu dignas, alicuius scientiæ esse debuit obiectum, nec alterius, quàm Metaphysicæ. Hæc ergo eius naturam, & proprietates inquit.

CAPVT II.

De Ente; Vbi de distinctione essentia ab existentia, & gradu essentia inter se.

ENS reale est omne id, cui ab intrinseco non repugnat existere; siue id, cuius cognitio intellectum non determinat ad du-



4 **Caput II.**

as propositiones contradicto-
rias, sicut illum determinat
cognitio rei impossibilis; cū
enim ens reale sit terminus
quidam vniuersalissimus, ideo
que per se notissimus, expli-
cari vlteriùs non potest, nisi
per cognitionem, quam in
nobis experimur, dū illud
immediatè concipimus; Sic
enim etiam explicare sole-
mus pulchritudinem, simili-
tudinem, & alia multa, dicē-
do: pulchrum esse id, cuius
visio nos delectat; Simile id,
quod à nobis difficile ab alio
discernitur; Bonum id, cuius
cognitio ad eius amorem nos
excitat: &c.

2 Hæc autem ratio conue-
nit, non solū Creaturis, sed
etiam Deo; vtrique enim
verè non repugnat existere;
Deo tamen (quia non solū
non repugnat existere, sed po-
fitiue repugnat non existere,
cum

De ente, &c.

cum sit ens à se) ratio entis conuenit independentèr ab omni alio ; Creaturis uero solum dependentèr à Deo, cum existant tantum contingenter, ita ut possint non existere, unde etiam definiuntur ens ab alio .

3 Componitur ens ex essentia, & existentia; quarum prima defini solet, vel per ordinem ad proprietates, Primum, ac radicale principium omnium operationum, & proprietatum, quæ rei conueniunt ; Vel per ordinem ad nostrum modum cognoscendi : Primus rei conceptus ; siue id, quod explicatur per conceptum rei definitium, & sine quo res concipi non potest . Altera uero definitur id, quo res est actu, & distinguitur à nihilo, siue verificatiuum propositionis, quæ affirmat rem simpliciter esse .

A 3

4 Hæc

4. Hæc tamen compositio
est solum metaphysica, & nõ
physica, quia essentia ab exi-
stentia nullo modo realiter
distinguitur, non solum in
Deo, (in quo nec distingui-
tur formaliter, cum Deus, vt
potè ens à se, essentialiter exi-
stat, ideoquè in suo conceptu
essentiali includat formaliter
existentiam,) sed neque in
Creaturis, licèt hæ, cum cõ-
tingenter solum existant, nec
semper fuerint, sed fuerint ali-
quando merè possibiles, in
suo primo conceptu, actuali-
tatem, siue existentiam non
includant, sed ab illa præse-
dant.

5. Ratio autem videtur es-
se primò, quia essentia cuius-
cumque Creaturæ, dum pro-
ducitur, ex merè possibili,
fit actualis per se ipsam, ali-
quid enim habet essentia Mi-
chaelis iam producti, quod

non

non habet essentia aliterius An-
 geli merè possibilis. Hæc au-
 tem actualitas est sufficienter
 existentia; illi enim tribui
 possunt quæcunq; conueniūt
 existentia; nam per hanc, es-
 sentia est actū, & distinguitur
 à nihilo; per hanc, verificari
 potest, quòd essentia sit sim-
 pliciter extrà causas; hæc est
 aliquid contingens, & depē-
 dens à libera Dei voluntate;
 nihilq; assignari potest, quod
 existentia conueniat, & huic
 actualitati applicari non pos-
 sit. Secundo, quia existen-
 tia ipsa, ex merè possibili fieri
 debet actualis per se ipsam;
 ne detur processus in infinitū;
 Cur ergo per se ipsam fieri
 non poterit actualis etiā es-
 sentia? Tertio denique, quia
 ipsa etiā existentia suam ha-
 bet essentiam, cum suā habe-
 at prædicata essentialia, ac
 propriam definitionem: Sic

cut ergo hæc fieri potest existens, & non per existentiam à se realiter distinctam, ita, sine existentia realiter distincta, fieri poterit existens ipsa essentia.

6 Neque obstat, quòd essentia sit immutabilis, necessaria, & liberam Dei voluntatem antecedens; existentia verò sit defectibilis, contingens, & ad voluntatem Dei liberam consequens; nam hoc solum significat, quod; licet ens quodlibet creatum sit in se realiter defectibile, & contingens, defectibilitas tamen, & contingentia illi non conuenit; prout stat sub conceptu essentiae, sub quo concipitur tantum in ordine ad suas proprietates, & ut illarum principium; sed solum, prout stat sub conceptu existentiae, sub quo concipitur in ordine ad causam efficiètem, & ut

& ut extra illam ; Sicut, licet entitas Petri realiter discurrat, illi tamen non convenit discursus, prout stat sub conceptu animalis, sed solum, prout stat sub conceptu rationalis.

7 Essentia igitur cuiuscumque rei creatæ nihil est aliud, quàm eius entitas à nobis considerata, quatenus habet sui ideam in mente diuina, hoc est, quatenus est obiectum scientiæ, per quam Deus cognoscit, quod, si produceretur, non includeret duo contradictoria, sed tales, vel tales exigeret proprietates, quæ appellari solet scientia simplicis intelligentiæ ; existentia verò est eadem entitas considerata quatenus est effectus diuinæ voluntatis efficacis, à qua efficienter determinatur ad habendum verum esse diuersum ab esse Dei.

8 Hæc autem nomenclaturæ diuersitas oritur ex diuerso modo, quo ipsam entitatem cognoscimus; cum enim de rebus loqui non possimus, nisi eo modo, quo illas cognoscimus, nomina significant res, non prout sunt in se ipsis, sed prout nostris substant cognitionibus. Cum ergo entitas à nobis concipitur esse solum, in aliqua specie determinatà entis, & distingui à chimæra, appellatur essentia; cum vero concipitur esse extra suas causas, siue in rerum natura, & distingui à nihilo, appellatur existentia.

9. Fundamentum verò, quod intellectus habet ad diuersos istos conceptus de eadem entitate formandos, est ipsa rerum creatarum imperfectio, & contingentia; cum enim videamus, res creatas aliquando esse, aliquando verò non esse

esse; sicut, videmus aërem,
 aliquando esse lucidum, ali-
 quando verò non lucidum,
 habet intellectus fundamen-
 tum concipiendi res creatas
 ut indifferentes ad existendū,
 & non existendū; sicut aër
 realiter est indifferens ad lucē
 habendam, vel non habendā,
 per existentiam verò determi-
 nari ad existendū; sicut aër
 à lumine realiter determinā-
 tur ad esse lucidum; hoc ta-
 men realiter nihil est aliud,
 quàm, creaturas habere esse,
 non necessario, & à se, sed so-
 lum contingenter, & ab alio.
 10 Ex hoc autem sequitur
 primò, potentiam, quam
 essentia habet ad existendū,
 non esse potentiam physicā,
 sed metaphysicā, hoc est,
 meram non repugnantiam,
 non est enim ad actum reali-
 ter distinctum, sicut esse de-
 bet potentia physica. Secun-
 dò,

do, essentiam respectu existentiae habere prioritatem, aliquam similem illi, quam habet animal respectu rationalis; ex eo enim, quod alicui non repugnet existere, non licet inferre, quod actu existat; sicut ex eo, quod aliquid sit animal, inferre non licet, quod sit rationale. Tertiò creaturas merè possibiles nullum habere esse in se ipsis, sed esse solum obiectiue, vel in diuina omnipotentia, in qua continentur, & à qua denominantur possibiles; vel in scientia, per quam à Deo cognoscuntur non repugnare, siue effectuales, vt, si ponerentur, intellectum non determinarent ad duas propositiones contradictorias, hoc enim necessario requiritur, vt sint obiecta diuinæ omnipotentiae, ab eaque denominentur possibiles; nam, sicut, non ideo chimæ-

ra est impossibilis , quia Deus illam producere non potest , sed potius è contra . Deus chimæram producere nõ potest , quia ipsa , cum inuoluat prædicata contradictoria , est incapax productionis ; ita è contra , non ideo Angelus est possibilis , quia Deus illum potest producere ; sed potius ideo Deus Angelum producere potest , quia Angelus si poneretur non includeret prædicata contradictoria . Quarto denique , propositiones , quæ dicuntur æternæ veritatis , quia verificantur , præscindendo ab omni tempore , esse omnes virtualiter hypotheticas ; cum enim dicitur : *homo est risibilis* ; significatur solum , quod homo exigit risibilitatem , quando existit .

II Sicut ens quodlibet componitur ex essentia , & existentia ; ita essentia quælibet ex-
 plu-

pluribus integratur perfectio-
nibus; in Petro enim datur, &
vita, sicut datur in plantis; &
animalitas, sicut in brutis; &
rationalitas, sicut datur in
Angelis; & propria individua-
tio, per quam ab omnibus
distinguitur.

12 Huiusmodi tamen per-
fectiones nemine cogitante
inter se actu non distinguun-
tur; primò quia istius distin-
ctionis nulla est necessitas, cū
omnia per hoc sufficiētissime
saluari possint, quod eadem
Petri entitas accipiat, mo-
dò cum discursu, vel cogni-
tione, per quam cognoscitur
in ordine ad discursum, & sic
appelletur rationalitas; modò
cum sensatione, aut cognitio-
ne, per quam cognoscitur in
ordine ad sensationem, & sic
appelletur animalitas; sicut
ijdem cibi, modo accipi pos-
sunt cū tempore meridiano,
&

& appellari prandium, modò cum vespertino, & vocari coena,

13. Secundò, quia nullum est huius distinctionis inditiũ omnes enim perfectiones sũt inter se, per quamcumque potentiam, inseparabiles, nec relative opponuntur; hæc autem duo solum dantur distinctionis inditia; nam, etiam, qui duas in composito admittunt vniones partiales inseparabiles, & relative non oppositas, illas ponunt in subiectis, quæ separari ab inuicem possunt.

14. Tertiò, quia nulla daretur essentia simplex, & vna: quælibet enim esset solum, cumulus aliquis plurium perfectionum eandem habentiũ existentiam; sicut Ciuitas est vnus cumulus plurium domorum intra eandem locum existentium. Hoc autem

Deo saltem, admitti omnino non potest, cum infinitæ illius simplicitati directè opponatur, Deus enim sine hac perfectionum multiplicitate perfectiori modo est simplex, quàm cum illa simplicitas autem: cum sit perfectio simpliciter simplex, modo perfectissimo est in Deo. Sicut ergo in Deo misericordia, nemine cogitante, non distinguitur à iustitia, ità neque in Petro animalitas erit a rationalitate nemine cogitante distincta.

15 Quartò, quia sequeretur, quamlibet etiam ex illis perfectionibus esse similiter cõpositam ex alijs perfectionibus partialibus in infinitum; sicut enim essentia Solis ex virtute illuminatiua, & calefactiua componitur; ita virtus calefactiua esset ex pluribus virtutibus calefactiuis cõposita.

posita, quarū vna esset produ-
ctiua caloris A., alia caloris B.
& sic de cœteris: Vnde, sicut
calores producibiles sunt infi-
niti, ita virtus ipsa calefacti-
ua ex infinitis virtutibus essen-
tialiter composita. Quemadmo-
dum igitur in Sole virtus ca-
lefactiua est perfectio aliqua
simplex, & indiuisibilis; ita
simplex, & indiuisibilis esse
poterit entitas ipsa solis, vel
Petri.

16 Quinto denique, quia
aliquæ saltem perfectiones ne-
mine cogitante inter se distin-
gui non possunt, in Petro enim
rationalitas nemine cogitan-
te distingui nō potest à gradu
entis, cum rationalitas, sub
quocumque conceptu conci-
piatur, non sit nihil, sed ens,
& recedens à nihilo: Cur er-
go alia etiam perfectiones
hoc solum modo inter se di-
stingui non poterunt?

17. Neque obstat, quod singulæ perfectiones diuersis definitionibus definiantur; nā definitionū diuersitas arguit essentiarum diuersitatem solum, quando definitiones sunt adæquatæ; res enim quælibet, sicut habere non potest, nisi vnā essentiam, ita habere non potest, nisi vnica definitionem adæquatam, plures autem habere potest inadæquatas, quia pluribus cognitionibus inadæquatis concipi potest. Quod verò entitas Petri simul sit imperfecte similis, & dissimilis equo; nullum est absurdum: Nam eadem etiam animalitas Petri, est simul equi animalitati similis, quatenus est principiū sentiendi, sicut illa, & eidem dissimilis, quatenus potest cū rationalitate componere hominem, quod illa non potest.

18. Non solum autem perfectio-

fectiones eandem essentiam
constituentes distingui inter
se non possunt ex natura rei,
sed neque distinctione aliqua
virtuali intrinseca, ita, ut sin-
gulæ terminare possint cogni-
tiones diuersas, & per illas fie-
ri plures actus; sicut partes
quantitatis potentia solum,
& virtualiter inter se distin-
ctæ, esse possunt terminus di-
uersarum diuisionum, vel af-
signationum, & per illas fieri
plures actus.

19 Ratio autem videtur es-
se primò; quia distinctio ista
gratis omninò ponitur, cum
omnia sufficientissimè saluari
possint per solam eiusdem rei
æquivalentiam ad plures enti-
tates diuersas; ex eo enim,
quòd Petrus æquiualeat An-
gelo, & bruto, quatenus, solus,
& discurrere potest, sicut An-
gelus, & sentire, sicut brutus;
terminare sufficienter potest
duas

20 *Caput II.*

duas cognitiones diuersas ;
 quarum vna fit Angelo com-
 munis , altera bruto , nām ,
 sicut ad entitatem sequitur in-
 telligibilitas , itā ad multipli-
 cem entitatem sequitur vir-
 tus terminandi plures cogni-
 tiones diuersas ; quas tamen
 omnes , & singulas terminat
 tota entitas , cum sit realiter
 indiuisibilis ; sicut , quia est
 realiter indiuisibilis , tota pro-
 ducit , non solum omnes suas
 operationes , sed etiam singu-
 las .

20 Secundò , quia gratis
 ponitur in potentijs intentio-
 nalibus virtus attingendi , in
 entitate realiter indiuisibili ,
 vnā perfectionem , & non
 aliam ; si enim potentia gene-
 ratiua virtutem nō habet vni-
 endi realiter corpori animā se-
 cundū gradū sensitium , &
 non secundū rationalem ,
 cur intellectus cognoscere

realiter poterit in entitate Petri solam animalitatem, & non rationalitatem; quod enim de rationalitate reddere tunc non possit rationem, non arguit, quod rationalitatem nullo modo cognoscat, sed solum, quod ipsam Petri entitatem tunc non cognoscat per cognitionem comparativam illius cum Angelo, vel cum discursu, sed solum cum sensatione, vel cum bruto.

21 Tertiò, quia, admissa semel hac virtuali distinctione inter perfectiones eiusdem essentiae, similis distinctio negari non potest inter plures partes singularum perfectionum; si enim in Sole virtus illuminatiua virtualiter distinguitur à calefactiua, cur etià in ipsa virtute calefactiua virtus productiua caloris A. virtualiter non distinguetur à virtute productiua caloris B.,

NON

non minus enim duæ istę virtutes terminare possunt duas cognitiones diuerſas, quam illę? Sicut ergo inter has, nulla datur distinctio virtualis intrinseca, sed, per quamlibet cognitionem, tota semper virtus calefactiua cognoscitur, licet non eodem semper modo, nec cum iisdem semper effectibus; ita nulla dabitur distinctio inter virtutem illuminatiuam, & calefactiuam, sed, per quamlibet cognitionem, tota semper entitas Solis cognoscetur, licet non eodem semper modo, nec in ordine ad easdem semper operationes.

22 Quarto, quia, si inter Petri animalitatem, & rationalitatem, daretur distinctio virtualis, de eodem Petro verificarentur prædicata contradictoria, non solum extrinseca, qualia sunt: cognosci, &
non

non cognosci : sed etiam intrinseca , qualia sunt : cognoscere , & non cognoscere : intellectus enim animalitatem cognosceret , & non cognosceret rationalitatem , quæ in Petro sunt realiter idem .

23. Quinto denique , quia , admissâ distinctione virtuali intrinsecâ , forma syllogistica nihil concluderet ; in hoc enim syllogismo ,

Omne animale est sensitivum ;

Omne rationale est animal ;

Ergo omne rationale est sensitivum .

concessâ maiori , & minori , negari posset consequentia , dicendo , quod sensitivum convenire potest animali , & non rationali , propter virtutem illorum distinctionem , sicut , propter eandem distinctionem , cognosci potest animal non cognito rationali .

24. Perfectiones igitur eâ-
de

dem essentiam constituentes inter se formaliter solum distinguuntur, hoc est; per denominationem extrinsecam à diuersis cognitionibus imperfectis, ac præcisiuis, quibus ipsa essentia cognoscitur. Tum quia diuersæ cognitiones, quatenus diuersæ sunt, denominare possunt entitatē extrinsecè diuersam, sicut, quatenus cognitiones sunt, illam denominant extrinsecè cognitam. Tum quia per solam conceptuum diuersitatē sufficienter saluatur, quòd de eodem non verificentur prædicata contradictoria; & explicatur; quomodo homo per animalitatem non intelligat, & per rationalitatem non sentiat: quomodo animalitas non sit rationalitas &c; hæ enim, & similes propositiones significant solum, quòd homo, pro vt stat sub conceptu

ptu animalis, non certificat nos de discursu; sicut de illo nos certificat, pro. vt. stat sub conceptu rationalis; quod entitas Petri, vel ratione diuersarum operationum, quas connotat, vel diuersarum cognitionum, quibus substat, à se ipsa distinguitur; Sicut prandium, ratione diuersi temporis, quod connotat, distinguitur à cæna.

25 Tum denique, quia, si potest eadem anima rationalis ita pluribus corporis partibus per plures vniones partiales, & inadæquatas, vni-ri, vt singulis vniatur tota, licet non totaliter, ab ijsque denominetur, pars capitis, vel cordis; cur eadem etiam Petri entitas ita cognosci non poterit per plures cognitiones partiales, & inadæquatas, vt à singulis cognoscatur tota, licet non totaliter, ab ijs-

B

que

que denominetur animal, vel rationale; non minùs enim, anima rationalis est realiter indiuisibilis, & æquiualeuter diuisibilis, (quatenus sola in formare potest plures, ac diuersas corporis partes, sicut possunt plures, ac diuersæ partes animæ diuisibilis;) quàm entitas Petri realiter indiuisibilis sit multiplex æquiualeuter, (quatenus facere potest sola plures operationes diuersas, sicut possunt plures entitates diuersæ,) nihilque dici poterit de entitate Petri in ordine ad terminandas cognitiones partiales diuersas, quod proportionaliter applicari nō possit animæ rationali in ordine ad terminandas, vel vniones partiales, vel corporis partes diuersas.

26 Atque hinc apertè deducitur, quod, sicut anima rationalis, licèt plures corporis

ris partes informet, sicut faciunt plures partes alterius animæ diuisibilis, eas tamen non eodem modo informat, sed modo longè diuerso, scilicet, indiuisibiliter, ita vt tota informet, non solum omnes, sed etiam singulas, quod facere non possunt partes animæ diuisibilis; ita entitas Petri, licet plures terminet cognitiones partiales, & inadæquatas, sicut illas terminant plures entitates, quibus ipsa æquiualeat, illas tamen terminat modo longè diuerso, scilicet, cum omnimoda indiuisibilitate, ita vt tota terminet, non solum omnes, sed etiam singulas, quod facere non possunt ipsæ entitates diuersæ.

27 Cognitiones autē præcisiuæ dicuntur partiales, & inadæquatæ, non quod partem entitatis cognoscant, &

partem non cognoscant, sed quia, licet totam cognoscant, illam tamen distinguunt ab aliquibus solum, & non ab omnibus entitatibus, à quibus ipsa est naturaliter distinguibilis; sicut unio, per quam anima rationalis unitur cordi, dicitur partialis, non quod cordi unam animæ partem uniat, & non aliam, sed quia, licet totam animam uniat, illam tamen aliquibus solum materiæ partibus unit, non verò omnibus, quibus ipsa est naturaliter unibilis.

28 Denique, dum dicitur; *per cognitionem animalis non cognoscitur rationalitas*; significatur solum, quod eo cōceptu cognoscitur tota entitas in ordine solum ad sensationem, & non in ordine ad discursum; similiter, dum videtur albedo, cognoscitur etiam id, quod est relatio transcendentalis ad

Deum

Deum , licèt non cognoscatur
conceptu proprio relationis
transcendentalis , hoc est, cõ-
ceptu nos certificante , illam
esse relationem transcendentia-
lem ad Deum , quia ad hoc
requiritur , vt cognoscatur
etiam Deus , qui per visionē ,
& cõceptum albedinis non
cognoscitur .

29 Dum ergò diuersas per-
fectiones in eadem entitate
cognoscimus , easque diuersis
nominibus appellamus , no-
mina illa , non tam significāt
perfectiones in se diuersas ,
quàm eandem entitatem di-
uersis cognitionibus cognitā ;
cum enim de rebus nunquā
loquamur , nisi eo modo , quo
illas cognoscimus , nomina
res non significant , nisi vt ve-
stitas nostris cognitionibus .
Sicut igitur eandem rem plu-
ribus , ac diuersis cognitioni-
bus imperfectis cognoscimus

ita illam pluribus , ac diuersis
nominibus appellamus .

30 Fundamentum autem,
quod inteilectus habet ad plu-
res , & diuersos conceptus de
eadem entitate formandos ,
est, ex parte quidem obiecti ,
vel eiusdem rei æquiualentia
ad plures entitates, vel virtus
productiua plurium operatio-
num ; hinc enim fit , vt illam
comparare possit , modò cum
vna ex illis entitatibus , qui-
bus æquiualeat , modò cum
alia , modò cum vna ex illis
operationibus , quas potest
elicere , modò cum alia ; at-
que ita per cōceptum anima-
litis entitas Petri compara-
tur cum bruto, per conceptū
verò rationalitatis cum An-
gelo : Et medicina , quæ cō-
parata cum sanitate, cuius est
causa , placet ; comparata
cum amaritudine, quā simi-
liter causat , displicet .

31 Ex parte verò intellectus, est diuersitas specierum, quibus ille vtitur ad eandem rem cognoscendā; hinc enim fit, vt eadem Petri entitas per species sensationis concepta, dicatur animal, concepta verò per species discursus, dicatur rationalis. Immo esse potest etiam diuersus modus, quo eadem species potentia cognoscitiua applicatur; eadem enim species albedinis in magna distantia causare solū potest cognitionem de illa adeò confusam, vt ex vi illius distingui non possit à nigredine, cœterisque coloribus, & tunc cognitio illa dicitur propria coloris; in parua verò distantia causare potest cognitionem magis distinctam, ex vi cuius distingui possit à cœteris omnibus coloribus, & hæc dicitur cognitio propria albedinis.

CAPVT III.

De entis proprietatibus.

ENS reale, licet veras
 proprietates non ha-
 beat, quæ ad illud realiter co-
 sequantur, quia nihil reale
 dari potest, quod sit ab ente
 realiter distinctum, sed quid-
 quid realiter est, ens est; ha-
 bet tamen attributa quædam,
 & prædicata, à se distincta,
 formaliter, quæ, cum ad pri-
 mum eius conceptum conse-
 quantur, de eoque vniuersa-
 liter prædicentur, ac per cau-
 sam saltem virtualem demon-
 strentur, appellari aliquo mo-
 do possunt proprietates. Hæc
 autem sunt, vnum, verum,
 & bonum. Tñ quia ad hæc tria,
 alia omnia reduci possunt; tñ
 quia

quia hæc tria solum ad entis naturam inuestigandam, peculiarem habent vtilitatem, cum varias explicet perfectiones, quæ illi per comparationem ad alia entia conueniunt.

2 Cum enim quidquid est eo ipso quod est, & ab entitate cuiuscumque alterius rei actu distinguatur, & ab intellectu aliquo. saltem diuino, cognosci possit prout est in se, & à voluntate aliqua amari (duæ enim istæ potentiaæ solæ, vt potè vniuersales,) attingere possunt omne ens:) sequitur, eandem entitatē, quatenus est comparabilis cum alijs omnibus entitatibus, à quibus actu distinguitur, dici vnitatem; quatenus verò est comparabilis cum aliquo intellectu, à quo cognosci potest, sicut est in se, dici veritatem; quatenus denique est comparabilis cum voluntate

B 5 ali.

aliqua , à qua potest amari ,
appellari bonitatem .

3 Vnū etgò nihil est aliud ,
quàm ipsum ens connotans
negationem diuisionis in se ,
quæ negatio sola ad omne ens
necessariò consequitur . Verū
est idem ens , quatenus con-
notat intellectum potentem ,
illud cognoscere prout est in
se . Et Bonum idem ens , pro-
ut connotat voluntatem illud
amare potentem . Per hæc au-
tem connotata , singula entis
attributa , tum inter se , tum
ab ipso ente distinguuntur , &
vnum aliud præcedit ; vnitas
enim , inter cœteras entis pas-
siones , est omnium prima ,
quia negatio diuisionis , quam
connotat , est enti intrinseca ,
cum alia connotata sint illi so-
lū extrinseca ; veritas verò
præcedit bonitatem , quia
intellectus ab illa connotatus
præcedit voluntatem .

4 Hinc

- 4 Hinc autem sequitur vnū
 definiri id, quod est indiuisū
 in se, & diuisum à quolibet
 alio; eo enim ipso, quod in
 aliquo non inuenimus plura-
 litatem illam, quæ est in bi-
 nario; (in quacunque tandem
 ratione hoc contingat;) illud
 eo ipso in ea ratione dicimus
 vnum; & Petrus dicitur vnus
 homo, quia in illo non reperi-
 tur pluralitas, quæ in binario
 hominū reperitur: vnde etiā
 per Aristotele, *quæcūque nō ha-
 bēt diuisionē quatenus nō habēt
 diuisionē, eatenus vnū dicuntur.*
 Pluralitas autē, quæ ab vnitae-
 negatur, non est pluralitas
 quomodocumque, sed plura-
 litas, vt identificata cum re,
 quæ dicitur vna; neque enim
 Petrus exigit vt in rerum
 natura non existant plures ho-
 mines, sed illos solū exigit
 sibi non habere identificados.
- 5 Denique vnitas, est di-
 uisio,

uísio, siuè separatio à quolibet alio; quia eo ipso, quòd entitas aliqua in se non habet pluralitatem, cum quacunque alia re pluralitatem facit, ac numeram, & consequenter à quocunque alio est separata, ac diuisa; simili-que modo exigit etiam separari per intellectum. Hinc autem sequitur vnum, sicut enti aliquid addit, (cùm de illo non omninò identicè prædicetur, vt gladius de ense, sed tanquam eius passio;) ita illi non addere aliquid posituum, neque realiter, neque formaliter ab illo distinctum; non realiter, quia hoc posituum, vel haberet esse reale, & sic iam esset intrinsecè ens, ideoque non distinctum ab ente; vel non haberet esse reale, & sic nihil esset, vnde enti nihil addere posset; non formaliter, quia omne positi-

uum est formaliter ens, nec præscindere ab eo potest. Immo illud positivum, vel esset vnum per se ipsum, vel per aliquid superadditum, si hoc secundum, daretur processus in infinitum; si primum, cur ipsum etiam ens eodem modo esse non potest vnum per se ipsum? cum præsertim Deus per se ipsum sufficienter sit vnus, & non per aliquid positivum à se distinctum. Angelus verò ita est vnus per suam positivam simplicitatem, & homo per positivam partium compositionem, ut ipsa simplicitas, & partium compositio non sint aliquid positivum ipsis entibus superadditum, sed illa essentialiter constituent. Quare Vnum superaddit enti negationem solum divisionis, & pluralitatis, sicut coena cibis superaddit tempus vespertinum, & simplici-

38 *Caput III.*

citas rei simplici negationem compositionis; ens enim fit formaliter vnum per negationem identitatis, & cum binario, & cum quolibet alio ente; sicut vna gutta aquæ fit formaliter vna per priuationem identitatis cum alia gutta; identitas tamen, cuius vel negationem, vel priuationem includit vnitas, semper est aliquid positium

6 Veritas in essendo, quæ est entis proprietas, non consistit in rei conformitate cum suis principijs intrinsecis; cum enim in huiusmodi principijs non detur processus in infinitum, ad aliqua tandem principia deueniendum est, quæ sint prima; Hæc ergo, cum alia non habeant principia, quibus possint conformari, non haberent veritatem.

7 Consistit igitur veritas transcendentalis in rei conformi-

mi.

mitate cum sui cognitione, præsertim diuina; res enim, quæcumque talis est, qualis est eius Idea, & exemplar, quod supremus Artifex habet in mente. Vnde etiam propositio falsa, licet veritatem non habeat in repræsentando, est tamen vera veritate transcendentali, quia conformitatem habet cum Idea, quam de falsa propositione habet Deus. Hæc autem conformitas non est relatio aliqua, vel realis, vel rationis, quam ens dicat ad sui cognitionem veram: non realis, quia ens etiam non existens cognosci potest sicut est, & consequenter esse suæ cognitioni conforme; & tamen ad illam referri realiter non potest, cum actu non existat; non rationis, quia ens est verum, etiam nemine de illo cogitante.

8 Quare conformitas est

con-

conceptus quidam connotatiuus, dicens in recto ipsum ens, & in obliquo connotans eius cognitionem veram; ab hac enim, ens sufficienter denominari potest cognoscibile pro ut est, siue apparens, quod est; sicut à cognitione falsa, denominatur cognoscibile aliter ac est, siue apparēs, quod non est, eodem autem modo sunt denominationes connotatiuæ, apparere quod est, esse obiectum cognitionis veræ, fundare veram cognitionem, habere aptitudinem, ac potentiam terminandi cognitionem veram, & similia; quia istæ omnes denominationes realiter nihil sunt aliud, quam ipsa rei conformitas, cum cognitione vera, vel actuali, vel possibili.

9 Denique ens, licet respectu intellectus diuini ita sit verum, vt non possit esse falsum

sum, sicut esse potest respectu intellectus creati, cum Deus cognoscere res non possit aliter ac sunt, sicut potest intellectus creatus; est tamen verum etiam per ordinem ad intellectum creatum; tum quia ab intellectu etiam creato est cognoscibile pro ut est in se; tum quia, si per ordinem ad intellectum creatum dici potest falsum, cur dici etiam non poterit verum, cum intellectus creatus cognoscere res possit, tam cognitione verà, quàm falsà?

• Io Vero opponitur falsum, ut albo nigrum: falsum autem nihil est aliud, quàm ipsum ens apparens, quod non est, siue cognoscibile cognitione falsa; cum enim vnum ens habeat sæpè accidentia accidentibus alterius entis similia, intellectui humano fundamentum præbet iudicandi, quod sit

fit illud aliud ; atque ita anri-
calcum propter similitudi-
nem, quam habet cum auro,
iudicatur esse aurum, cum
aurum non sit. Ab hac ergò
cognitione, ens, quod falsò
cognoscitur, denominatur
falsum, sicuti cibi à tempore
vespertino denominantur cœ-
na.

II Bonum, quod est ter-
tia entis proprietas, idem est,
ac ipsum ens habens perfe-
ctionem sibi debitam, & cõ-
uenientem, ratione cuius est
amabile; vnde etiam defini-
tur esse id, quod omnia ap-
petunt; hæc autem amabili-
tas consistit in conuenientia,
& proportionem quadam, quã
ipsum ens habet cum volun-
tate aliqua, vel actuali, vel
possibili: Sicut veritas consi-
stet in eius conformitate, ac
proportionem cum aliquo intel-
lectu; eo enim ipso, quòd a-
li.

liquid habet perfectionem sibi debitam, ac conuenientē, est amabile; vnde nihil est, quod suum esse non appetat.

12 Præter hoc tamen bonum, quod dicitur absolutum, quia est bonum in se, datur etiam aliud bonum, quod dicitur respectiuum, quia alteri est bonum, & adæquatè dīniditur in, honestum, delectabile; & vtile. Hoc autem non est entis proprietas; quia, licet quodlibet ens, eo ipso, quod est, alicui sit bonum, & conueniens, (quomodo Deus est bonus Creaturis, quas producit, & Creature, extrinsecè, saltem sunt bonæ Deo, quem manifestant; substantia est bona accidentibus, quæ sustentat, & accidentia substantiæ, quam perficiunt; immo ipsi etiam actus moraliter mali sunt boni, tam habitibus, quos causant, quàm
mo.

motibus externis, quos imperât; actibus a quibus cognoscuntur; & subiecto in quo recipiuntur.) Hoc tamē conuenit etiā priuationi; nā carētia doloris, & tristitię est nobis bona; sicut dolor est malus; & priuatio caloris est aquę cōueniēs, sicut calor est disconueniens.

13 Similiter, neque bonū, pro vt idem est, ac aliquid absolutē, & in omni genere perfectum, est entis proprietas, quia omni enti non conuenit; Solus enim Deus per suam essentiam est simpliciter, & absolute perfectus; Creaturę verò solū per accidentia, quorum aliquo, si careant, dicuntur malę, ac imperfectę.

14 Conuenientia autem cum appetitu, à qua ens habet, vt sit formaliter bonum, non est relatio aliqua, vel realis, vel rationis, per quam
re-

referatur ad voluntatem ; sed est denominatio quædam cōnotatiua dicens in recto ipsū ens , & in obliquo connotans eius amorem , vel actualem , vel possibilem ; Sicut conformitas cum intellectu vero est ipsum ens veram sui cognitionem connotans ; Conuenientia enim cum voluntate idē est , ac amabilitas, siue dignitas amoris; amabilitas autem est ipsum ens connotans eius amorem , vel actualem , vel possibilem ; Sicut enim ens constituitur obiectum voluntatis per connotationem ipsius voluntatis ; ita constituitur amabile , siue obiectum amoris per connotationem ipsius amoris .

15 Bono opponitur malū , vt tenebræ luci ; sicut enim res dicitur in se bona à perfectione sibi debita , ac conuenienti , ratione , cuius allicere po-

potest volútatem ad sui amo-
rem ; ita dicitur in se mala,
à defectu , siue carentia talis
perfectiōis . Quarè , malum
absolutum consistit in aliquo
negatiuo , scilicèt in carentia
ipsius entitatis ; licèt malum
respectiuum , hoc est , id ,
quod alteri est malum , consi-
stere possit , non solum in ali-
quo negatiuo , sed etiam in
positiui ; non solum enim
priuatio frigoris est aquæ di-
sconueniens , sed etiam calor ;
hæc autem disconuenientia ,
nihil est aliud , quàm ipsa rei
perfectio , pro vt connotat in
alio conditionem aliquam ,
ratione cuius illi repugnat ; si-
cut conuenientia est eadem
perfectio , quatenus conditio-
nem aliquam connotat , ra-
tione cuius illi est debita ; vn-
de eadem entitas respectu di-
uersorum esse potest conue-
niens , & disconueniens ; bona
& mala.

CAPVT IV.⁴⁷

De ente creato, & increato.

1 **E**Xplicata naturà, ac proprietatibus entis in genere, explicandæ supersunt eius species. Diuiditur ergo Ens primò, in increatum, & creatum. Increatum est solus Deus, qui dicitur ens primum, quia ab alio nõ habet esse, sed à se; vnde omni caret limitatione, & est infinite perfectus, simpliciter necessarius, immortalis, æternus, immensus, intellectus, omnipotens, sapientissimus, omnia in se continens bona, prima omnium causa, ac finis vltimus, & supremus omnium Dominus.

2 Hunc dari, non solum de fide est certum, sed lumine

ne etiam naturali ex Creaturis euidenter ostenditur, si-
nim ex pulcherrima Domini
evidenter colligitur Architectus,
& ex statua Artifex, cum
ex admirabili hac rerum cre-
tarum dispositione, ac ordi-
colligi euidenter non poterit
dari Deum? Solus ergo im-
piens, non palam, sed in co-
de suo dicere potest, non
Deus.

3 Præterea, cum res sin-
gulæ, immò etiam tota ha-
rerum vniuersitas potuerit cre-
se, & non esse (neque enim
hæc maiorem habet necessi-
tatem essendi, quàm habent
ant res singulæ, quæ existunt
cum ipsa rerum Vniuersitate
nihil sit aliud, quàm res sin-
gulæ existentes) præter totam
hanc rerum vniuersitatem
admittendum necessario est
aliud ens, à quo omnia fuerint
determinata ad existendum,

nihil enim determinari à se ipso potest; huiusmodi autem ens esse debet primum, & cōsequenter per se ipsum essentialiter, & necessario existens, ne detur processus in infinitū; Nam hic, in causis per se subordinatis, euidenter implicat, quia eo ipso nulla causa esset ad agendum sufficiens; sicut enim in horologij rotis, quamuis essent infinitæ, nulla tamen esset ad mouendam aliam sufficiens, nisi, præter omnes, daretur pondus aliquod, quod aliquam moueret non motum; ita in causis per se subordinatis, nulla esset ad agendum sufficiens, nisi præter omnes, daretur causa aliqua principalis illas mouens non mota, nec alteri subordinata. Hæc ergo prima rerum omnium causa, dicitur Deus.

4 Reliqua verò omnia entia,

C

tia,

tia (quorum pleraque dari, parer sensu) dicuntur creata, & secunda, quia suum esse habent à Deo, ab eoque essentialiter pendent; unde etiam contingenter tantum existunt, suntque in omni genere finita, ac defectibilia, & aliquam semper potentialitatem, ac imperfectionem habent admixtam.

5 De primo autem istorum entium conceptu est, maxima, ac tota subiectio possibilis respectu Dei; cum enim sint essentialiter ens ab alio, existere non possunt, nisi dependenter à libera Dei voluntate, à qua proinde, sicut essentialiter dependent in ordine ad existendum, ita multo magis pendere debent in ordine ad alia omnia, quæ ad existentiam pertinent, & aliquam inuoluunt contingentiam, alioqui Deus non esset per.

perfectissimus eorum Domi-
nus; tota verò illa subiectio
est possibilis in Creatura res-
pectu Dei, quæ eius prædica-
tis essentialibus, aut proprijs
non opponitur, nec illa de-
struit; illa autem subiectio
prædicatis rei essentialibus nõ
opponitur, quæ, vel cum il-
lis in aliquo individuo repe-
ritur actu coniuncta, vel nul-
lum sequitur absurdum, si
si coniungatur; Sic enim,
quia inter prædicata essentia-
lia corporis; quod de facto
datur, nullum reperitur, ra-
tione cuius illi repugnet, de
vno loco in alium a Deo mo-
ueri, rectè colligimus, mo-
bilitatem, siue non repugnā-
tiam ad motum localem, esse
subiectionem in corpore pos-
sibilem respectu Dei, ideo-
que esse de primo corporis
conceptu non minùs, quam
fit, esse ens creatum; ex quo

deinde ulterius inferimus, corpus supernaturaliter immobile implicare contradictionem, quia immobilitas opponitur mobilitati, quæ, cum fit subiectio, in corpore, possibilis respectu Dei, est de eius primo conceptu, ideoque convenit omni.

6 Ex hoc autem principio sequitur primò, dari in Creaturis potentiam obedientialem, non solum passivam, sed etiam activam in ordine ad illos omnes effectus, qui à suis causis essentialiter non pendent, & aliunde sunt possibiles; posse enim Deo obedire in omnibus, quæ non implicant contradictionem, ad rationem entis creati non minus necessario cōsequitur, quàm ad hominem risibilitas; potentia autem obedientialis activa nihil est aliud, quàm non repugnantia, ut
ali-

aliquid cum Deo coniungatur, ab eoque assumatur ad aliquid supra suas vires producendum, eo modo, quo intellectus per lumen gloriæ eleuatur ad Deum videndum; quod tandem nihil est aliud, quam posse Deo obedire. Quod vero ens creatum, quod à Deo assumitur ad aliquid producendum, nullam habeat cum effectu producendo proportionem, non obstat; nam à Deo assumitur solum, ut instrumentum, quod cum effectu, præsertim supernaturaliter producendo, nullam habere debet proportionem; iminò, quò minus Creatura, quæ assumitur, est effectui producendo proportionata, eò perfectius Deo obedit; Deus enim, per suam omnipotentiam, omnē illius supplet improprietatem.

7 Sequitur secundo, omnia

C 3 Rei

Rei prædicata contingentia , hoc est, quæ ad primum eius conceptum essentialem non pertinent , esse ab illa realiter separabilia ; eo enim ipso , quod sunt contingentia , res nullum habet prædicatum essentialē , cui repugnet ab illis separari ; vnde separabilitas ab huiusmodi prædicatis est subiectio in illa possibilis respectu Dei , & consequenter de primo illius conceptu . Atque ita colligimus realem quantitatis distinctionem à materia , quia , scilicet , quantitas nullum habet prædicatum essentialē repugnans cum separatione à materia , ex quo fit , ut separabilitas à materia sit subiectio in quantitate possibilis respectu Dei .

8 Sequitur tertio , actionē , durationem , vocationem , & unionem , esse modos rei superadditos , & ab illa realiter

ter distinctos ; cum enim esse ab hoc, vel illo agente, in hoc, vel illo loco, & in hoc, vel illo tempore, &c. sint prædicata rei contingentia, & ad eius essentiam non pertinentia, eo ipso res, istius subiectionis est capax respectu Dei, ut scilicet, vel ab illo solo producat, vel ab illo simul, & creatura, ut ponatur in hoc, vel illo loco, in hoc, vel illo tempore, &c. nec ex tali subiectione ullum sequitur absurdum : De primo autem conceptu creaturæ est tota subiectio, cuius est ipsa capax respectu Dei.

9 Quod si actus vitales produci non possunt à solo Deo, hoc oritur, quia aliunde positivè probatur, actualem dependentiam à potentia vitali esse de primo eorum conceptu tanquam differentiam essentialem, & quamdiu hoc non

probatur, possessio semper stat pro diuina omnipotentia. Actio verò neque supernaturaliter pendere potest ab alio agente, nec ybicatio alio trāferri, nec duratio poni in alio tempore, nec vnio alias partes vnire; quia, cum posituè probetur, modos istos esse vltimas rei determinationes in suo genere, implicat illas esse vltèrius determinabiles in eo genere, alioquin iam non essent vltimæ, sed daretur processus in infinitum.

10 Gradus denique superior, quamuis à differentijs inferioribus præscindat, & ex suo cōceptu sit ad illas formaliter indifferens, ab illis tamen non est realiter separabilis, tum quia differentia inferior, cum sit gradui superiori per se subordinata, & cum illo constituat essentiam, vel indiuiduū, non

non est cum re contingenter tantum connexa ; tum quia indifferentia, quam habet gradus superior ad differentias inferiores, & est solum per intellectum, & non est de primo illius conceptu, nec est subiectio aliqua possibilis respectu Dei, inueniri enim non potest à parte rei animal, quod neque rationalitatem, neque irrationalitatem sibi habeat identificatam ; quod si semel inueniretur, implicaret eo ipso animal cum aliqua ex illis identificatum ; iam enim realis separabilitas à talibus differentiis esset subiectio in ipso animali possibilis respectu Dei, ideoque esset de primo eius conceptu ; sicut, quia lumen, quod de facto datur, est realiter ab actione, per quam producit, separabile, implicat lumen cum sua productione identificatum,

& à sua causa essentialiter pēdens.

II Sequitur quarto, accidentia disparata, vt sunt albedo, & dulcedo, duratio, & conseruatio, actio, & vnio, & similia, identificari non posse in vna tertiā qualitate; cum enim prædicata essentialia albedinis de facto separētur à dulcedine, iam separabilitas à dulcedine est subiectio in albedine possibilis respectu Dei, ac proinde est de primo illius conceptu; immo identificatio prædicatorum albedinis cum prædicatis dulcedinis nihil aliud faceret, quàm eximere albedinem ab ista subiectione, ita vt Deus vnā conseruare nō posset sinē alia. Per hoc tamen non negatur possibilitas alterius qualitatis æquivalentis albedini, & dulcedini in ordine ad earum effectus, eo modo, quo homo

in

in ordine ad intelligendum, & sentiendum æquiualeat, Angelo, ac bruto. Verum, qualitas ista, modo longe diuerso, effectus illos produceret, ac de tacto producant albedo, & dulcedo; sicut homo diuersimodè sentit, & intelligit, ac sentiat brutum, & intelligat Angelus.

12 Sequitur quintò, causas secundas agere non posse sinè actuali còcursu Causæ primæ, huius enim subordinationis, ac subiectionis sunt capaces in ordine ad operandum, cū illi de facto ita subordinentur in ordine ad existendum.

13 Sequitur sexto, corpora à Deo replicari posse in pluribus locis, & eundem effectū pendere supernaturaliter posse à duabus causis totalibus; cum enim, tam corpus nullū habeat prædicatum essentialē repugnans cum replicatio-

ne, quàm effectus cum dependentia à duabus causis totalibus, sequitur, replicabilitatē, & dependentiā a duabus causis totalibus esse subiectiones in corpore, ac effectū, possibiles respectu Dei.

14 Sequitur septimò, repugnare Angelum specie immultiplicabilem, cum enim Angelus nullum habeat prædicatum essentiale, ratione cuius illi repugnet, habere alium Angelum similem in specie, multiplicabilitas specifica est subiectio in Angelo possibilis respectu Dei, ideoque est de primo illius conceptu. Immaterialitas autē, licet sit prædicatum Angelo essentiale, non est tamen cū eius multiplicatione specifica impossibile; quia etiam cognitio, quam de Sole habet Angelus, est immaterialis, & tamen non repugnat dari in eodem

eodem Angelo aliam cognitionem de Sole illi omnino similem : Sicut ergo implicat Angelus essentialiter exigens, ne Deus alium Angelum perfectiorem possit producere, ita repugnat Angelus essentialiter exigens, ne producere possit alium similem. Potest tamen Angelus esse indivisibilis, quia indivisibilitas necessario consequitur ad spiritualitatem, siue carentiam partium, quæ est prædicatum Angelo essentiali, nullum autem est absurdum, quod Deus rerum essentias mutare non possit, nec facere impossibilia, sicut nullum est absurdum, quod mori, aut peccare non possit: hæc enim, non tam esset potentia, quam impotentia.

15 Sequitur octauo, repugnare durationem permanentem, & indivisibilem, cum
enim

enim duratio nullum habeat prædicatum essentiale incompossibile cum destruibilitate, iam ex suo conceptu est capax destructionis, ideoque destruibilitas est subiectio in illa possibilis respectu Dei, & consequenter de eius primo conceptu; huic autem subiectioni opponitur permanentia.

16 Sequitur nonò, repugnare similiter vbicationem indiuisibilem; cum enim vbicatio nullum habeat prædicatum essentiale, cui repugnet diuisio, non repugnantia ad diuisionem est subiectio in illa possibilis respectu Dei, & consequenter de primo eius conceptu; hæc autem per indiuisibilitatem tolleretur. Neque obstat, quòd ubi angeli cum sit spirituale; nam spiritualitas arguit indiuisibilitatem solum in ordine ad subiectum,

ctum , non verò in ordine ad spatium ; sicut enim gratia esse potest spiritualis, & tamè diuisibilis secundum intensi-
onem, & duratio angelica simi-
liter spiritualis, esse potest di-
uisibilis in ordine ad tempus ,
ita potest vbicatio spiritualis,
esse diuisibilis in ordine ad
spatium .

CAPVT V.

*De ente substantiali, &
accidentali. Vbi de
subsistentia.*

Dividitur secundò ens
in substâtiâle, & acci-
dentale : substantiale dicitur
quidquid est de primo con-
ceptu substantiæ ; accidenta-
le verò quidquid ad primum
substantiæ conceptum non
pertinet. Porro substantia
definitur ens per se , hoc est ,
ens aliquo modo à natura per
se

se intentum, quia, cum sit primum, ac radicale principium omnium operationum, quæ sunt in Re, ad eius conservationem, perfectionem, ac propagationem cætera omnia ordinantur, & non è contra, accidens verò, quia nullo modo à natura per se intenditur, sed solum in ordine ad substantiam, definitur entis ens, hoc est, ens institutum à natura solum in bonum alterius, vel id, quod est in alio, & non vt pars, ita enim est in substantia, vt illam non constituat, sicut cõstituit forma substantialis.

2 Sicut autem, in gradibus qualitatis, octauus non est naturaliter vltius perfectibilis, sed solum supernaturaliter, septimus verò perfici naturaliter vltius potest per octauum, ita in substantijs, aliquæ sunt vltius perfectibiles naturaliter.

turaliter, (vt sunt elementa, quæ per vnionem cum forma mixti componere naturaliter possunt mixtum, & eleuari ad operationes proprijs longè nobiliores, & partes integrales viuents; quæ per vnionem cum anima eleuari possunt ad operationes vitales, & constituere viuens:) Aliquæ verò nō sunt vltèrius perfectibiles naturaliter, sed solū supernaturaliter, (vt sunt mixta omnia perfecta, & in specie humanitas Christi Domini, quæ, cum totam habeat perfectionem sibi naturaliter possibilem, exigit alteri non vniri, nec cum alio confundi, licet per vnionem cum Verbo diuino constituere supernaturaliter possit Christum Dominum, & eleuari ad operationes diuinas.) Quælibet tamē ex his substantijs naturaliter existere perfecte potest, quamuis nul-

li alteri substantiæ uniatur, materia enim, non solum sub forma mixti, sed etiam sub formis elementorum, naturaliter quiescit, & qualibet earum est contenta.

3 Huiusmodi autem substantiæ, quamuis, dum alteri substantiæ sunt unitæ, non dicantur per se subsistere, & esse totum, sed esse in alio, & esse quasi pars, & aliquid alterius; quandiu tamen alteri non sunt unitæ, dicuntur stare per se, & non esse in alio, sed esse aliquod totum substantiale ex se omnino completum, appellarique solent, suppositum, quia accidentibus quasi supponuntur, & substant. Quod, si substantiæ sint rationales, appellantur etiam persona, hæc enim à Boëtio definitur: naturæ rationalis individua substantia.

4 Qualibet ergo substantia,
cui

cum fit ens à natura per se intentum, ideoque naturaliter existere perfectè possit etiam alteri substantiæ non unitæ, exigit subsistentiam; hoc est, aliquid, à quo formaliter habeat subsistere, siue stare per se, & non esse in alio; hoc autè dicitur ultimus terminus, & complementum substantiæ; quia illam à alteri substantiæ reddit incommunicabilem, sicut figura, quia quantitatem, in qua est, reddit alteri quantitati incommunicabilem, dicitur ultimus eius terminus, & complementum; ipsa verò substantia, prout ab hoc complemento distinguitur, appellatur natura, quia est prima radix omnium operationum, quæ sunt in re.

§ Subsistentia autem à natura necessario distinguitur plusquam formaliter; Verbum enim divinum in Incarnatione

ne

ne naturam humanā assu-
sit, & non subsistentiam,
communiter docet Eccle-
siā autem assumere no-
potuisset, & non aliam; fi-
sent omnino idem realiter
cut, quia in natura humanā
animalitas est realiter idem
cum rationalitate, assum-
non potuit animalitatem,
non rationalitatem.

6 Non est tamē modus
quod substantialis, naturæ su-
radditus, sicut vnitas non
aliquid positivum enti su-
radditum. Primo quia nu-
apparet necessitas ponēdi
dum hunc superadditum,
subsistentia cōsistere sufficie-
ter possit in ipsa rei entitate
siue naturā completa, con-
trando negationem vnionis
actualis, quam aptitudina-
cum quacūque alia substa-
tia, sicut vnitas consistit in
ipsa rei entitate connotan-
ne-

negationem diuisionis ; sicut enim vnitas nihil est aliud , quàm entitas indiuisibilis , ita suppositum nihil est aliud , quàm entitas , siue natura completa incommunicabilis. Secundo , quia non apparet , cur elementa , & partes integrales viuentis , per solam negationem vnionis cum alia substantià , fieri non possint totum , siue suppositum , & indiuiduum substantiale completum , sicut , dum vniuntur cum forma mixti , per talem vnionem ꝑ , fiunt pars alterius suppositi perfectioris , nempe mixti ; hoc enim modo etiã aqua , per negationem continuationis cum alia aqua , sufficienter fit tale indiuiduum , dum verò alteri aquæ vnitur , per illam continuationem , amittit rationem indiuidui , & fit pars alterius indiuidui maioris.

7 Ne-

7 Negatio tamen vnionis cum alia substantia, quæ constituit suppositum, non est sola negatio vnionis actualis; (hanc enim habet etiam anima rationalis à corpore separata, & tamen non est suppositum) sed negatio etiam vnionis aptitudinalis, hoc est, existentiae essendi in alio; hæc enim etiam requiritur, vt substantia habere possit rationem finis, in quo natura quiescat; quam negationem, quia anima rationalis separata non habet, cum semper connaturaliter exigit corpori vniri, & cum illo componere hominem, ideo propriè non subsistit, neque est suppositum; sicut non est suppositum natura humana, quæ est in Christo Domino, quia Verbo Diuino est actu vnita.

8 Negatio autem vnionis, tam actualis, quam aptitudi-
na-

nalis cum alia substantiâ, ita formaliter constituit suppositum, ut naturam illam, siue substantiam, quæ dicitur suppositum, nullo modo constituat, sed illam solum denominet suppositum; sicut tempus vespertinum, comestionem nullo modo constituit, sed solum denominat cœnâ: Quare, licet substantia, quæ denominatur suppositum, includere in suo conceptu non possit aliquod accidens, aut aliquam negationem, ab ea tamen denominari potest, suppositum, siue alteri substantiæ incommunicabilis, sicut à negatione diuisionis denominari potest indiuidua, siue indivisibilis.

9 Mixtum verò, quamuis fiat ex elementis per solam additionem formæ mixti, sicut vinens fit ex osse, carne, cœterisque partibus integralibus

bus, per solam additionem animæ, non est tamen vnum, aggregatum per accidens, sed vnum ens per se, quia adhuc est ens à natura primario intentum; cum enim ex vnione elementorum cum forma mixti resultent plures operationes, ac perfectiones bonæ mixto, habemus fundamentum dicendi, vnionem elementorum cum forma mixti, ex qua tales operationes, ac perfectiones proueniunt, & totum inde resultans, non fuisse casu facta; sed fuisse à natura per se intentum.

10 Hinc autem primò colligitur, cur Christus Dominus dicatur esse vnum ens per se; gratia verò appelletur accidens; cum enim ex vnione humanitatis cum Verbo diuino multæ resultent operationes, ac perfectiones, si-
cut

cut resultant ex vnione animæ cum corpore, vel brachij cum Petro, sequitur, compositum admirabile Christi Domini magis esse simile Petro, (qui est indiuiduum substantiale completum, & ens per se) quàm calori, qui est accidens: gratiam verò magis esse similem calori, quàm Petro; hæc autem nomina, substantiæ, personæ, accidentis, &c., licet primario imposita solum fuerint ad significandas substantias, & accidentia naturalia, secundario tamen extenduntur etiam ad ea omnia entia supernaturalia significanda, quæ illis magis sunt similia.

II Secundo colligitur, cur Verbum Diuinum dicatur assumptisse naturam, & non personam; sibi enim substantialiter vniendo entitatem humanam, abstulit ab illà ne-

D gatio.

gationem vnionis , à qua entitas illa denominabatur suppositum , siue totum , & homo , & possit vnionem substantialem , à qua eadem entitas denominatur natura , siue quasi pars , & aliquid Verbi .

12 Tertiò deniquè colligitur , quomodo in Christo Domino saluentur prædicationes quædam , in quibus prædicata propria naturæ humanæ tribuuntur Deo , & prædicata propria Dei tribuuntur homini , quæ appellari solent communicatio idiomatum ; cum enim Deus dicitur pati , & homo esse infinitus ; per has propositiones significatur solum , duas illas naturas , quibus hæc prædicata immediate conueniunt , in eodem includi toto ; sicut , cum dicitur ; album esse dulce , nihil aliud significatur , quàm albe.

bedinem , & dulcedinem in eodem esse subiecto.

13 Licet autem substantia formaliter non subsistat per modum superadditum ; accidens tamen reale , substantię inhæret per modū inhærentiæ à se , & à substantia realiter distinctum ; cum enim existere supernaturaliter possit à substantia separatum , vt ex Eucharistiæ Sacramento colligitur , in quo quantitas remanet sine inhærentia , per aliquid superadditum determinari debet , vt illi inhæreat ; hoc autem est modus inhærentiæ , qui tamen ab accidente modali realiter non distinguitur , quia hoc est suo subiecto essentialiter affixum , ab eoq; dependens .

CAPVT VI.

De Ente singulari, & vniuersali.

I **D**ividitur tertio ens in singulare, & vniuersale. Singulare est, quod ita est simpliciter vnum, vt pluribus communicari non possit tanquam inferioribus, nec in illa diuidi, vt Petrus; vnde etiam dictum est Indiuiduum; Vniuersale vero est, quod ita est simpliciter vnum, vt pluribus inferioribus communicari possit, & fit aptum esse in illis, vt natura humana, quæ ita est vna, vt in pluribus etiam reperiatur indiuiduis; opponuntur autem ens singulare, & vniuersale, sicut ens diuisibile, & indiuisibile; sicut enim

An.

Angelus est vnus indiuisibiliter, aqua verò vna diuisibiliter, ita singulare est vnum incommunicabiliter, vnũuersale verò vnum communicabiliter.

2 Porro, vt natura aliqua sit in effendo vniuersalis, tria necessariò requiruntur. Primò, vt sit in pluribus per identitatem; vnde eadem anima in pluribus corporibus à Deo miraculosè replicata, non propterea effet vniuersalis, quia cum illis effet tantum vnita, non verò identificata. Secundò, vt multiplicetur in illis pluribus, ita vt in singulis, numero saltem, sit diuersa; natura enim Diuina, licet sit in tribus personis per identitatem, quia tamen in illis non multiplicatur, sed eadẽ numero, quæ est in Patre, est etiam in Filio, non est vniuersalis. Tertiò, vt à singulis to

ta participetur ; vnde lignum tripalmare , quamuis diuidi possit in tres palmos , non est tamen vniuersale , quia de singulis palmis verificari non potest , quod sint lignum tripalmare , sicut de singulis hominibus verificatur , quod sint homo .

3 Hinc fit , vt nemine cogitante dari non possit natura aliqua vniuersali à singularibus separata , quæ existat , vel extra illa , vt essent ideæ , quæ Platoni communiter , licet immerito , tribuuntur ; vel ante illa in statu aliquo essentis , siue præcisionis : cum enim natura vniuersalis nemine cogitante identificari debeat cū suis indiuiduis , esse consequenter non potest , neque extra , neque ante illa , quia nihil esse potest , aut extra , aut ante se ipsum . Immo , propter eandem rationem , neque dari

dari potest natura vniuersalis in ipsis singularibus; cum enim natura vniuersalis nemine cogitante à suis singularibus non distinguatur, consequenter non est simpliciter vna, sed multiplex, sicut singularia ipsa sunt multa, Petrus enim, & Paulus sunt simpliciter multi homines, non vnus homo; vniuersale autem esse debet vnum, & quidem simpliciter; tum quia distinguì debet ab æquiucis, quæ vnitatem habent in solo nomine; vnde etiam ab Aristotele definitur, vnum in multis, & nō æquiucè; tum quia esse debet aliquid superius ad singularia, ad hoc, vt illis communicari possit, & de illis prædicari; tum denique, quia esse debet obiectum scientiarum, & consequenter aliquid commune; ad hoc autem requiritur, vt sit simpliciter v-

num ; nihil enim pluribus potest esse commune , quod non sit simpliciter vnum.

4 Nequè obstat, quòd Petrus , & Paulus, etiam nemine cogitante, dicantur indistincti secundum essentiam , & consequenter vnum essentialiter; nam hoc solum significat , Petrum , & Paulum non ita notabiliter inter se differre , sicut differunt Petrus , & equus ; verè tamen in entitate non minùs sunt realiter diuersi, quàm Petrus, & equus; Petrus enim non minus annihilari potest remanente Paulo , quàm equo .

5 Natura ergò, quæ, nemine cogitante , in pluribus indiuiduis est numero diuersa , ac simpliciter multiplex , & singularis , fit formaliter vna, & vniuersalis per intellectum illam à singularibus abstractentem ; natura enim humana ,

na, quæ in Petro, & Paulo nemine cogitante est simpliciter multiplex, per hoc, quòd cognoscatur, præscindendo à singularitatibus, ab hac cognitione habet, vt non sit amplius multiplex, cum multiplicitas non cognoscatur, sed vna simpliciter, & pluribus communis, prò vt ad Vniuersale requiritur.

6 Nequè obstat, quòd cognitio abstractiua solùm præscindat, à singularitatibus, illas non repræsentando, non verò positivè cognoscat negationem singularitatum; nam, licèt vnitas realis habeatur solùm per negationem multiplicatis, quia à parte rei nihil datur, quod in ordine ad hunc effectum æquiualeat negationi; vnitas tamen intentionalis, siue, quæ habetur per intellectum haberi potest, non solùm per negatio-

nem singularitatum positivè cognitam, sed etiam per præcisionem à singularitatibus; præcisio enim, cum singularitates non cognoscat, in ordine ad effectum unitatis æquivalet cognitioni, quæ negationem singularitatum positivè cognosceret; Ex hoc autem fit, ut ad uniuersale non requiratur cognitio vlla reflexa, quæ negationem singularitatum in naturà abstracta, positivè cognoscat, sed sufficiat cognitio præcisiva, per quam natura ipsa immediatè cognoscitur, singularibus, nō cognitis; sic enim ens uniuersale sufficienter contra distinguitur, & opponitur singulari, cum Uniuersale singularitates positivè non includat, sicut includit singulare, nec appareat ratio, cur positivè earum negationem includere debeat.

7 Quamuis autem vniuersale definiatur communiter, *unum aptum esse in multis*, eius tamen essentia non consistit formaliter in ipsa vnitatem, & aptitudine, sicut nec essentia singularis formaliter, consistit in eius vnitatem numerica, sed in ipsa entitate, quæ vnitatis numericæ est radix, natura enim abstracta concipi à nobis potest, quamuis non cõparetur cum alijs rebus, vel notabiliter diuersis, vel immultiplicabilibus, & consequenter eius vnitas, & aptitudo non cognoscatur; sicut concipi à nobis potest entitas Petri, quamuis cum alijs entitatibus non comparetur, ideoque eius vnitas numerica non cognoscatur.

8 Præterea, vnitas, & aptitudo non sunt primum prædicatum, naturæ vniuersalis distinctiuum à cõteris omnibus,

D 6 Na.

Natura enim, antecederet ad omnem unitatem, & aptitudinem, per hoc præcisè, quòd fit ab inferioribus abstracta, est sufficienter vniuersalis formaliter, cum non sit formaliter singularis, (eo quod à singularitate præscindat,) & inter singulare, & vniuersale non detur mediū, sicut nō datur inter ens indiuisibile, & diuisibile, sicut enim ens, dū diuiditur in diuisibile, & indiuisibile, diuiditur adæquatè, & per mēbra contradictoria; ita adæquate, & per membra contradictoria diuiditur, dum diuiditur in singulare, hoc est includens indiuisibilitatem, & vniuersale illam non includens.

9 Denique natura abstracta non est indifferens, vt in ea concipiatur reflexè unitas, vel diuisio, sicut esse deberet, si esset in statu quodam medio
in-

inter singulare, & vniuersale, sed determinatè exigit vnitatem, sicut ignis exigit determinatè calorè, natura enim, cum ex se negationem habeat diuersitatis notabilis, si per abstractionem, a diuisionibus numericis præscindatur, ab illa negatione sufficienter denominari poterit indiuisa, & vna simpliciter.

10 Essentia ergò vniuersalis formaliter consistit in ipsa naturà abstracta, quatenus per abstractionem fit proxima radix unitatis, & aptitudinis, sicut essentia ignis formaliter, consistit in ipsa substantia ignis, quatenus est radix caloris, & siccitatis, hoc enim est primum prædicatū distinctiuum naturæ vniuersalis ab omnibus alijs; nam, cum natura abstracta considerari possit, vel præcisè secundum se, & quatenus est
natura

natura abstracta; vel quatenus in se nõ habet notabilem illam diuersitatem, quam habent Petrus, & equus; vel quatenus non habet incommunicabilitatem cum pluribus, sicut habet Deus; vel denique quatenus habet aptitudinem, vt intellectus prædicare illam possit de pluribus, inter ista omnia prædicata naturæ vniuersalis propria; primum est, ipsa natura abstracta, quæ propterea est eius differentia essentialis, reliqua verò, scilicet, vnitas, aptitudo, & prædicabilitas, sunt solum prædicata secundaria. & consequenter eius proprietates.

11 Porro vnitas, à qua natura vniuersalis denominatur vna simpliciter, non est vnitas aliqua ficta, consistens in negatione differentiarum inferiorum, quæ in natura abstracta-

abstracta ab intellectu concipitur, nulla enim est necessitas fingendi hanc unitatem, cum natura ipsa, nemine cogitante, unitatem quandā habeat realem, quæ, licet ante abstractionem, propter admixtionem pluralitatis numericæ, quam ex se habet, denominare illam non possit vnā simpliciter, posita tamen abstractione impedimentum istud remouente, potest.

12 Dari autem, nemine cogitante, in natura hanc unitatem, probatur. Tum quia natura humana, nemine cogitante, negationem habet omnium aliarum differentiarum essentialium, quæ non sunt rationalitas, sicut Petrus, præter suam indiuiduationē, habet negationem omnium aliarum differentiarum indiuidualium. Sicut ergo Petrus ab hac negatione dicitur vnus numero

numero, ita natura humana, siue tota hominum multitudo, ab illa denominari poterit vna essentialiter. Tū quia in tota hominum multitudine non datur illa notabilis diuersitas, quæ datur in multitudine conflata ex Petro, & equo, Petrus enim non ita notabiliter differt à Paulo, sicut differt ab equo; sed habet cum illo similitudinem aliquam, & conuenientiam, quam non habet cum equo. Negatio ergo istius diuersitatis est formaliter aliqua vnitatis, sicut ipsa diuersitas est aliqua pluralitas. Denique, si entitas Petri connotans negationem omnium aliarum rerū est eius vnitatis numerica, cur etiam tota hominum multitudo connotans negationem omnium aliarum rerum notabiliter diuersarum dici non poterit vnitatis essentialis istius
mul-

multitudinis, siue naturæ humanæ.

13 Hæc tamen vnitas (quæ dicitur essentialis, quia toti solum debetur hominû multitudini tanquã proprietates conuertibilis, sicut vnitas Petri dicitur individualis, quia illi solum indiuiduo conuertibiliter conuenit,) cum à parte rei admixtam habeat pluralitatem numericam, sicut vnitas numerica Petri habet admixtam multitudinem partium, est adeò imperfecta, vt simpliciter nomen vnitatis nõ mereatur, sed potius pluralitatis; verè enim Petrus, & Paulus, licet notabiliter inter se non differant, simpliciter tamen loquendo sunt duo homines, non vnus, & hominum multitudo, licet aliquo modo sit vna, est tamen simpliciter multitudo. Hinc ergo fit, vt appellari soleat, vnitas secundum

dum quid, nec ad denominandam naturam, vnam simpliciter, & vniuersalem, sufficiat.

14 Quoniam tamen hæc vnitas fundamentum intellectui præbet multitudinem, hanc concipiendi per cognitionem quandam confusam, quæ nullam in ea discernens pluralitatem, omnibus, ac singulis in illa multitudine cõtentis fit applicabilis; hinc fit, vt, tali cognitione accedente, vnitas, quæ naturam in statu reali denominabat vnam solùm secundùm quid propter coniunctionem, quã in illo statu habebat cum pluralitate numerica, in hoc statu abstractionis illam denominet vnam simpliciter, quia in hoc statu nullam amplius habet admixtam pluralitatem numericam, à qua eius effectus formalis impediatur, sicut impediabatur in statu reali;

li ; nulla enim in cognitione apparet pluralitas .

15 Sicut ergo eadem magnitudo , & doctrina , quæ posita in homine , dum est vir , non sufficiunt ad illum denominandum magnum , vel doctum simpliciter , sed solum secundum quid , si in eodem ponantur , dum adhuc est puer , illum denominant magnum , & doctum simpliciter , quia homo , in eo statu pueritiæ , maioris staturæ , vel doctrinæ non est capax sicut est in statu virilitatis ; Ita unitas formalis , siue essentialis , quæ naturam in statu reali denominare non poterat vnâ simpliciter , quia ibi à pluralitate numerica impediabatur , eandem in statu abstractionis , in quo hoc impedimentum non habet , denominare poterit simpliciter vnâ , pro ut ad vniuersale requiritur ;

tur, cognitio autem dicitur abstractiua, quia ita multorum conuenientiam, ac similitudinem repræsentat, ut diuersitatem, ac dissimilitudinem explicitè saltem non exprimat.

17 Ex hoc autem colligitur, naturam vniuersalem non denominari vnā simpliciter ab vnitāte extrinseca cognitionis illam ab inferioribus abstrahentis, sicut denominatur cognita, & abstracta. Tum quia natura, posita cognitione abstractiua solum tanquā circumstantiā, denominari sufficienter potest vna simpliciter ab vnitāte essentiali sibi intrinseca, sicut denominatur apta ab aptitudine intrinseca. Tum quia natura à cognitione abstractiua denominari non potest indiuisa in se, sed solum in cognitione; vnum autem definitur indiui-

diuifum in fe.

17 Neque obftat, quòd vnitas effentialis reperiatur in natura, etiam ante abstractionem, & dum eft in ftatu reali; nam hoc non impedit, quin in ftatu abstractionis fit proprietas naturæ vniuerfalis, in ftatu enim reali non reperitur cum ijs circumftantijs, cum quibus reperitur in ftatu abstractionis; ficut ergò calor, licèt reperiatur etiam in aëre, quia tamen coniunctus cum ficcitate reperitur folùm in igne, eft eius proprietas; ita vnitas formalis, licèt reperiatur in natura etiam, dum eft in ftatu reali, quia tamen coniuncta cum abstractione fit vnitas fimpliciter, in his circumftantijs effe poterit proprietas Vniuerfalis.

18 Sicut autem vnitas, à qua natura vniuerfalis denominatur vna fimpliciter, non
eft

est vnitas aliqua ficta, sed realis cōnotās abstractiōe, ita aptitudo, à qua denominatur apta, nō est aptitudo aliqua ficta, (consistens, vel in relatione quadam rationis, per quam natura abstracta reflexè comparatur cum indiuiduis, in quibus potest reperiri; vel in negatione indiuiduationum, reflexè concepta in eadem natura, per quam fiat multis communis;) sed realis. Primo quia nulla est necessitas fingēdi in natura, quæ realiter est in multis, aptitudinem ad existendum in illis. Secundo, quia natura, nemine cogitante, non habet repugnantiam ad existendum in pluribus, cū de facto sit in illis, sicut lapis, quia sursum mouetur, repugnantia nō habet ad motū sursum.

19 Tertio denique, quia natura, inter sua prædicata essen-

essentialia, nullum habet, cui repugnet multiplicatio essentialis, sicut habet Deus, cui, ratione suæ infinitatis, repugnat omnis multiplicatio, & in sententia Sancti Thomæ, etiam Angelus, cui, ratione suæ immaterialitatis, repugnat multiplicatio specifica; hæc autem non repugnantia sufficit ad denominandam naturam aptam; eo enim ipso quod aliquid non habet repugnantiam ad aliquid, habet potentiam ad illud, nec aliam potentiam habere potest natura ac existendum in multis, quam non repugnantiam, cum hæc potentia ab ipsis multis realiter non distinguatur, sicut potentia ad existendum, ab ipsa existentia realiter non distinguitur.

20. Atque hinc tandem sequitur, naturam non denominari aptam; siue potentem
esse

esse in multis à potentia aliqua extrinsecà potente ponere illa multa, sicut non denominatur vna ab vnitatem extrinsecà cognitionis; Primo enim nulla est necessitas ad hanc potentiam extrinsecam confugiendi, cum sufficiat intrinsecà non repugnantia, quâ natura realiter habet, posita tamen abstractione, per quâ fit aptitudo vnius naturæ simpliciter, ideoque propria naturæ vniuersalis.

21 Secundo, potentia extrinsecà intrinsecam non repugnantiam necessario præsupponit, ideo enim potentia producere potest plura similia, quia illa plura non habent repugnantiam ad existendū, sicut habent plures dij, vel etiam, iuxta sententiam Sæcti Thomæ, plures Angeli similes in specie. Quemadmodum ergo lapis dicitur potes-

mo-

moueri, non quia ad eius motum datur potentia, sed quia nullum habet prædicatum essentialiter repugnans cum motu, sicut habet vbicatio ex se ad talem locum essentialiter determinata; ita natura vniuersalis denominabitur potēs, & apta existere in multis, non à potentia aliqua extrinseca, sed ab intrinseca non repugnantia, quam habet ad existendum in illis.

22 Quod dictum est de aptitudine, applicari cum proportionem potest etiam prædicabilitati, quæ est tertia proprietas naturæ vniuersalis; cum enim hæc nihil sit aliud, quam aptitudo quædam, quæ natura vniuersalis habet, ut de pluribus prædicetur, est denominatio illi intrinseca, proueniens à nō repugnantia, quam ipsa natura abstracta habet, ut ab intellectu succes-

E *fiuè*

siuè cū pluribus inferioribus
compareretur, ac de illis præ-
dicetur; verè enim natura
abstracta nullum habet prædi-
catum, ratione cuius illi re-
pugnet hæc prædicatio de
pluribus, sicut habent Deus,
& indiuiduum.

23 Dum autè natura actu
de pluribus prædicatur, suam
vniuersalitatem non amittit,
sed retinet, cum retineat ad-
huc unitatem simpliciter, si-
cut illam habebat, dū simplici-
ter apprehendebatur; expe-
rientia enim constat, naturam
humanam eodem prorsus mo-
do ex parte prædicati repræ-
sentari, dum dicitur: *Petrus est*
homo: ac repræsentetur, dum
extra propositionem, homo
simpliciter apprehenditur;
tūc autem est vna simpliciter.
Immo, si dum dicitur: *Petrus*
est a quis homo: potest Petri
indiuiduatio ex parte prædi-
cati

cati non repræsentari determinatè, cur non poterit etiâ, dum dicitur: *Petrus est homo*: non repræsentari simpliciter? non minùs enim prima affirmatio, prout fertur in prædicatum, est cognitio indeterminata, quàm secunda sit cognitio præcisiua. Cum ergo natura humana actu prædicatur de Petro, affirmatur solù identitas inter illam, & Petrum, non explicando, an identitas illa sit adæquata, vel inadæquata, sicut explicatur identitas adæquata, dum dicitur: *Petrus est omnis homo*, & inadæquata, dū dicitur: *Petrus est aliquis homo*.

24 Denique, vniuersale, cum fiat solùm per cognitionem confusam, & abstractiuam, fieri non potest ab intellectu diuino, sed solùm ab angelico, & humano, Deus enim nihil cognoscere confusè po-

E 2 test,

test, ficut possūt homo, & Angelus, saltem in ordine ad aliqua obiecta supernaturalia. Quamuis autem sensus sua obiecta cōfusē possint cognoscere, acere tamen nō possūt Vniuersale, quia abstrahere non possunt à loco, tempore, alijsque similibus circumstantijs, quæ appellantur indiuiduantes; quia solo indiuiduo per se conueniunt, vnde cognoscunt res semper, vt singularizatas; voluntas verò, licet tendere possit confusē in plura, sicut tendit intellectus, propriè tamen non facit vniuersale, quia, cum in illa non tendat, nisi vt ab intellectu confusē iam cognita, superponit illud ab intellectu iam factum; propter quam etiam rationem, vniuersale non fit propriè per secundam, & tertiam operationem, quia operationes istæ illud per primā apprehendunt.

præhensionem supponit iam factum .

CAPVT VII.

De ente absoluto, & relatiuo .

1 **D**ividitur vltimò ens in absolutū, hoc est carēs vinculo , ab eoque quasi solutū; & relatiuū , hoc, est cū alio quasi ligatū ; Relatio enim est nexus , siue ordo quidam vnius ad aliud , ratione cuius vnum , nec esse potest , nec perfectè cognosci sinè alio; sicut vnio est nexus , ratione cuius vnum separari ab alio non potest .

2 Dari autem , præter ens absolutum , etiam relatiuum, probatur primò, quia ille, qui est Pater , peculiari quodam vinculo connectitur cum eo ,

3 qui

qui est filius , quo non connectitur cum alijs hominibus , & potentia visiva peculiari modo connectitur cum visionibus , quo non connectitur cum alijs rebus ; huiusmodi ergo vinculum appellatur relatio . Secundò , quia experientia constat , aliqua entia cognosci à nobis non posse , nisi cum ipsis aliquod aliud ens cognoscatur , sic enim scientia cognosci à nobis non potest sine obiecto , nec Pater sine filio , cum tamen aliqua alia entia cognosci possint sola , ut sunt lapis , albedo , &c. illud ergo , ratione cuius , vnum exigit non cognosci solum , sed semper simul cum aliquo alio , & per cognitionem solum comparatiuam , dicitur relatio ; conceptui enim comparatiuo , siue relatiuo correspondere debet suum obiectum , sicuti correspondet conceptui abso-

absoluto. Tertio denique, quia ex eo, quod in Deo, præter conceptus absolutos existentis, sapientis, immortalis, &c. dentur etiam conceptus relatiui, siue comparatiui, Patris, Filij, &c. colligunt communiter Theologi, dari in Deo veras relationes reales Patris, & Filij. Cum ergo similes conceptus dentur etiã in creati, & aliunde veræ relationes reales, etiam in creatis, non repugnent, admitte-
dæ etiam in creatis erunt veræ relationes reales.

3 Neque obstat, quod paternitas, quæ in Deo est substantia, & personam Patris constituit, in nobis sit accidens: nam etiam scientia, iustitia, &c., quæ in Deo sunt substantia, in nobis sunt accidens, & tamen non propterea nobis negantur. Immo, si ex eo, quod in Deo detur sciẽ.

E 4 tia,

ria, quæ realiter est substantia, rectè colligitur, dari etiã in creatis scientiam, quæ sit accidens, cur ex eo, quòd in Deo dentur relationes Patris, & Filij, quæ sint substantia, rectè colligi non poterit, dari etiam in creatis similes relationes, quæ sint accidens, cū aliunde non implicant?

4 Relatio alia est subiecto essentialis, & dicitur transcendentalis, quia vagatur per omnia prædicamenta, & in entibus omnium prædicamentorum reperitur; alia est subiecto accidentalis, & dicitur prædicamentalis, quia, propter peculiarem modũ, quem habet afficiendi primam substantiam, constituit peculiare prædicamentum à cæteris omnibus diuersum.

5 Ad omnem autem relationem tria necessariò requiruntur, scilicèt, fundamentũ, ter-

terminus, & ratio fundandi. Fundamentum est subiectū, ex quo relatio immediatè resultat; terminus est id, quod à relatione respicitur, & cum quo fundamentum connectitur; ratio denique fundandi est conditio, sinè qua in fundamento ad terminum non consurgit relatio; sic genitor est fūdamētum paternitatis, quia per illam refertur ad filium, genitus est terminus, quia cum illo connectitur Genitor, & generatio est ratio fundandi, quia sinè illa Genitor non connecteretur cum Genito.

6 Ad omnem ergò relationem tria ista necessariò requiruntur; fundamentum quidē & terminus, quia relatio, cū sit nexus, duò saltem extrema requirit, quæ connectat; ratio verò fundandi, quia non inter quæcunque extrema

datur relatio, sed solum inter illa, in quibus ratio aliqua fundandi reperitur, quæ propterea dicitur etiam conditio, quia finè illà res nō sunt aptæ fundare, vel terminare relationem. Vnde est quoddam quasi signum, per quod relatiua discerni possunt ab absolutis.

7 Porro, ratio fundandi nihil est aliud, quam connexio aliqua essentialis, ratione cuius vnum, alio implicante, implicaret, quæ enim, alio implicante, remanere adhuc possunt, nulla est ratio, cur cum illo connectantur. Sic scientia, quia, implicante obiecto, implicaret, cum illo connectitur, & ad illud refertur. Contra verò obiectum, quia, implicante scientiā, non implicaret, sed adhuc remaneret, ad illam non refertur, nec cū illa villo modo connectitur.

8 Tri.

8 Triplex autem assignari solet ratio fundandi , scilicet vnitas , & numerus , hoc est , rerum conuenientia, & discō. uenientia in essentia, actio, & passio ; & ratio mensuræ , ac mensurati , quæ enim eandē habent essentiam, vt duæ albedines, cum eadem participēt prædicata essentialia , ita se habent , vt si vnius essentia repugnet , alterius etiam essentia sit impossibilis, & è cōtra ; si verò differant in essentia , ideoque in solo genere conueniant , vt albedo , & nigredo , tunc etiā in possibilitate se mutuò inferunt , sub eodem enim genere vniuoco, si vna differentia est possibilis , etiam alia debet esse possibilis , & è contra . Similiter quæ habent rationem causæ , & effectus , hanc mutuam , vel possibilitatem , vel impossibilitatem ,

plerumque habent; Si enim filius implicaret, implicaret etiam potentia generatiua Patris, quia esset omnino inutilis, & hac implicante, etiam filius implicaret, quia non haberet, à quo procederet. dixi tamen, plerumque, quia aliquando etiam potentia causæ non pendet à possibilitate effectus; sed in hoc etiam casu sufficienter mutuò coniectantur per actionem. Denique, quæ ab alio dependent tanquam à mensura suæ perfectionis, ita cum illo coniectantur, vt illo implicante implicarent, quia respectu illius habent quasi rationem mediij, medium autem, implicante fine, esset inutile, ideoque implicaret.

9. iuxta triplicem hanc fundandi rationem, triplex datur genus relationis; aliquæ enim relationes dicuntur fundari in
vnita-

vnitate, & numero, & hæ, si
sint inter substantias, appellā-
tur identitas, & diuersitas, si
sint inter quantitates, æquali-
tas, vel inæqualitas, si inter
qualitates, similitudo, & dis-
similitudo, & ad has, aliæ
omnes, educuntur, vt propin-
quitas, vel distantia, quæ re-
periuntur in vbicationibus, &
coëxistentia, quæ est inter du-
rationes. Aliæ dicuntur fun-
dari in actione, & passione,
& hæ, si actio sit vera produ-
ctio, in viuentibus quidem
appellantur paternitas, & fi-
liatio, in alijs verò rebus cō-
muni nomine vocantur rela-
tiones, causæ & effectus: Si
verò actio non sit vera produ-
ctio, vt emptio, inuentio,
donatio, doctrina, &c. appel-
lantur, dominium, relatio Præ-
ceptoris, &c. atque ad hæc
duo relationum genera, præ-
dicamentales omnes reducū-
tur,

tur, sicut ad relationes fundatas in mensura, & mensurato, reducuntur omnes transcendentales.

10 Iam verò, præter relationes transcendentales, dantur etiam, nemine cogitante, prædicamentales, quæ fundamento sint accidentales; probatur. Tum quia, nemine cogitante, dantur aliquæ denominationes reales relatiuæ, & subiecto accidentales, ut sunt denominatio similis, Patris, Domini, &c.; Denominatio autem realis nihil est aliud, quam forma realis in subiecto. Tum quia verè Pater peculiari quodam modo connectitur cum filio, & seruus cū Domino, quomodo non connectuntur cum alijs hominibus.

11 Huiusmodi autem relationes, cum sint fundamento proximo accidentales, non minus,

minus, quàm accidentale sit
 cibus, esse coenam, identifica-
 ri cum illo adequatè non pos-
 sunt, sicut identificatur tran-
 scendentalis; illud enim, quod
 perit, altero remanente, inclu-
 dere necessario debet aliquid ab eo,
 quod remanet, vel actu, vel po-
 tentia distinctum, cum idem à se ipso se-
 parari omninò non possit: Cū
 ergo relatio predicamentalis
 pereat, eius fundamento pro-
 ximo remanente, (vt contin-
 git, cum, pereunte Genito,
 perit in Genitore paternitas,
 ipso Genitore remanente,) cum
 solo fundamento proximo
 identificari non poterit, sed
 aliquid aliud includet à
 fundamento proximo realiter
 distinctum; sicut coena, præ-
 ter cibos, includit tempus
 vespertinum realiter ab illis
 distinctum.

12 Neque dici potest, quòd,
 pereat.

pereunte Genito, pereat in Genitore paternitas solum, quo ad denominationem, vel conceptibilitatem, non vero quo ad entitatem, eo quod intellectus, pereunte Genito, fundamentum amplius non habeat illam concipiendi, & per illam denominandi Genitorem. Nam paternitas non est solum nomen, vel conceptus, sed est res aliqua significata per nomen, & per conceptum Patris, representata. Si ergo, pereunte Genito perit paternitas, perit aliqua entitas realis, & non sola denominatio, vel conceptus; intelligibile enim est, quod eadem forma in eodem subiecto manens, nulla facta variatione, vel in forma, vel in subiecto, illi denominationem modo tribuat, modo non tribuat.

13 Similiter, relatio prædica-

dicamentalis non est, duo solum absoluta æquæ principaliter concepta, & in recto. Tum quia conceptus concipiens duo absoluta in recto nullā exprimit connexionem inter illa, sed solā eorū existentiam; ut cum dicitur: *Creatura Deus: palliū Petrus: &c.* conceptus autem relatiuus, præter extrema, aliquam etiam connexionem exprimere debet ab ipsis extremis, vel realiter distinctā, vel indistinctā ut cum dicitur: *Creatura Dei:* tunc enim exprimitur conuexio dominij, quam Deus habet cum Creatura, vel dependentiæ, quam Creatura, habet à Deo. Tum quia, si relatio prædicamentalis esset duo absoluta accepta in recto paternitas, & filiatio, nullo modo ab inuicem distinguerentur; paternitas enim esset Genitor, & Genitus; filiatio verò,

verò , Genitus , & Genitor ;
qui duo conceptus inter se
non distinguuntur.

14 Denique , relatio præ-
dicamentalis non est modus
aliquis à fundamento , termi-
no , & ratione fundandi rea-
liter distinctus . Primò quia
fundamentum , posito termi-
no , & ratione fundandi , est
sufficiens , se ipso , cum ter-
mino connexum , sicut Deus ,
posita Creaturà , est illi suffi-
cienter præsens , se ipso ; vna
enim albedo , ratione suæ uni-
tatis specificæ , habet quid-
quid requiritur ad hoc , vt ,
alià posità , sit illi similis , si-
cut Deus , ratione suæ immen-
sitatis , habet quidquid requi-
ritur ad hoc , vt , posità Crea-
turà sit illi præsens : Secun-
do quia fundamento ita acce-
pto applicari possunt omnia ,
quæ tribuuntur communiter
relationi , cum nihil assignari
possit,

possit, quod illi non conueniat; Tertio quia fundamentum, posito termino cum ceteris requisitis, non est indifferens, ut cum illo connectatur, vel non connectatur, sicut materia, etiam posita forma, est indifferens ut illi uniat, vel non uniat, tunc autem solum connexio est modus superadditus, quando extrema existere possunt, & non esse connexa.

15 Quarto denique, quia relatio, per quam una multitudo est alteri æqualis, non potest esse modus aliquis ipsi multitudini superadditus, cum multitudo non sit vnum subiectum, sed multa, ideoque incapax vnius modi, non minus autem à natura intenditur æqualitas duarum multitudinum, quam duarum magnitudinum, non minus enim intendit natura, quod digiti
ma-

manus dexteræ sint æquales
 digitis manus sinistræ , quàm
 intendat , quòd magnitudo
 manus dexteræ , æqualis sit
 magnitudini manus sinistræ .
 Si ergò sine vllò modo supe-
 raddito natura obtinere se-
 mel sufficienter potest æqua-
 litatem , quam intendit in
 multitudine , cur illam obti-
 nere non poterit etiam in
 magnitudine , cum omnia ,
 quæ de vna verificantur , æ-
 què verificentur etiam de a-
 lia ?

. 16 Nequè obstat primò ,
 quòd sinè modo superaddito
 explicari non possit , quid sit
 similitudo in comuni ; nam
 quidquid ab Aduersarijs assi-
 gnabitur pro fundamento pro-
 ximo similitudinis , hoc ipsū
 per nos erit similitudo ; huic
 enim applicari omnia poterūt,
 quæ tribuuntur communiter
 similitudini . Relatio ergo si-
 mili-

militudinis sunt duo qualia;
vnica definitione definibilia;
sic enim eius conceptus suffi-
cienter assignatur.

17 Neque obstat secundo,
quod relatio, cum terminum
respiciat existentem, respice-
re debeat terminum à se di-
stinctum, ne respiciat se ipsa;
nam, cum relatio eo solum
modo requirat terminum exi-
stentem, quo modo, totum
exigit suas partes existentes,
& productio actus vitalis ip-
sum actum vitalem, eo etiam
modo sufficit, vt à termino
distingatur, quo totum à sin-
gulis partibus distinguitur,
& productio actus vitalis ab
ipso actu vitali.

17 Ex quo etiam patet,
quid respondendum sit, cum
dicitur: relatio est ad aliud;
ergo ab illo alio distinguitur:
distinguendum enim est ante-
cedens; relatio est ad aliud
distin-

distinctum ab ipsa relatione ,
nego antecedens ; est ad aliud
distinctum à fundamento ,
quod, per illam refertur , con-
cedo; antecedens .

19 Nequè obstat tertio ,
quòd si relatio non esset mo-
dus fundamento superaditus :
relatiua à connotatiuis non
distinguerentur : nam vere
non distinguuntur, ipsa enim
relatio est aliqua species ter-
mini connotatiui ; distinguū-
tur tamen relatiua a puris cō-
notatiuis , quia pura conno-
tatiua sunt illa omnia , quæ
carent aliqua ex conditioni-
bus ad relationem requisitis ,
vt contingeret , si fundamen-
tum , vel terminus non essent
ens reale positium , si actu
non existerent , si non habe-
rent rationem fundandi , &c.

20 Neque ex eo , quod fū-
damentum transire non possit
ab esse absoluto , ad esse rela-
tium

tiuum finè aliquo superaddi-
to, inferri potest illud superad-
ditum esse modum aliquem
fundamento intrinsecum ; nā
fundamentum transire suffi-
ciēter potest ab esse absoluto
ad esse relatiuum per solam
termini positionē , sicut Deus
ex non præsente , fit de nouo
præsens Petro per solam posi-
tionem ipsius Petri .

21 Deniq. non obstat, quòd
crescente fundamento, decre-
scere possit relatio , (vt con-
tingit , cum , ex duobus albis
vt quatuor, vnum vltius de-
albatur, in quo casu, quo ma-
gis crescit albedo , eo magis
similitudo decrescit,) nam ,
licet crescat tunc fundamen-
tum materialiter acceptum ,
siue illud album , quod dici-
tur fundamentum , non cre-
scit tamen fundamentum ac-
ceptum formaliter, quia non
crescit ratio fundandi , à qua
al .

album formaliter habet, vt sit fundamentum ; hæc enim, cum consistat in vnitatem, vel diuersitate intēsiua graduum albedinis, potiùs decrescit, quàm crescat ; quo enim vnū fit magis album, eò etiam fit ab altero, in gradu albedinis, magis diuersum.

22 Quòd autem intellectus compræhendere possit, tam fundamentum, quàm terminum, & tamen non certificari de relatione; non probat, relationem à fundamento, & termino magis distinguui, quam rationem fundandi; sicut enim per duas cognitiones absolutas compræhendere potest intellectus duo alba, quin de eorum similitudine certificetur, ita eadem alba compræhendere potest, quin certificetur de eorum ratione fundandi; vel si ad hanc cognoscendam determinatur, etiam

etiam ad illam.

23. Nequè ex eo, quòd relatio exigat concipi per unicum conceptum simplicem, ac indiuisibilem, inferri potest, quòd sit conceptus aliquis obiectiuus simplex, ac indiuisibilis; nam etiam conceptus formalis substantiæ completæ est vnicus, & indiuisibilis, & tamen conceptus obiectiuus, in homine, cæterisque entibus materialibus est aliquid compositum, licet in Angelo sit aliquid simplex, ac indiuisibile. Sicut ergo materia, forma, & vnio, quia in ordine ad exigendam subsistentiam æquivalent Angelo, esse possunt fundamentum vnitis conceptus simplicis, scilicet substantiæ completæ; ita fundamentum cum termino, cæterisque ad relationem requisitis, cū æquualeat simplici relationi, quā vnio dicit ad suam

F.

pa

cienter est terminus, & ratio fundandi; sicut, vt cibi fiant coena, sufficit tempus vespertinum.

25 Terminus tamen, vt relationem constituat, esse debet actu existens; relatio enim respicit terminum solum, vt actu existentem; sicut requirit fundamentum solū vt actu existens. Primo quia relatio est nexus actualis, non minus, quam actio, & vnio; nexus autem actualis sua extrema respicit solum, vt actu existentia. Secundo quia homines communiter parietem album dicunt esse dissimilem parieti nigro, non possibili, sed solū actu existenti. Tercio quia, cum paries niger de nouo dealbatur, alius paries albus ex dissimili fit illi de nouo similis, & tamen ille etiam antequam dealbaretur, erat possibiliter albus. Quarto denique,

quia relatio sequitur ad rei en-
titatem, ut existentem, non
minus, quam actualis distin-
ctio. Sicut ergo paries albus
actu non distinguitur, nisi ab
alio pariete existente, ita non
est similis alteri parieti albo,
nisi actu existenti.

261 Denique terminus à re-
latione prædicamentali respi-
citur sub ratione, non respe-
ctui, sed absoluti, tum quia
relatio est nexus absolutorum;
tum quia etiam fundamentum
respicitur sub ratione absolu-
ti, tum denique quia non ideo
Pater refertur ad filium, quia
filius refertur ad Patrem, sed
quia est genitus à Patre, ex
quibus omnibus sequitur, re-
lationem prædicamentalem
à transcendentali non distin-
gui per hoc, quod hæc, non
requirat terminum existentem
illa vero requirat, nam multe
etiam relationes transenden-
tales

tales terminū requirunt actus
existentem, vt sunt actio, vnio
&c. sed per hoc quod relatio
trāscēdentalis sit fundāmēto
adequatē intrinseca, & essētia-
lis, prædicamentalis verò par-
tialiter extrinseca, & accidē-
talis.

CAPVT VIII.

De ente negatiuo.

ENti reali positiuo oppo-
nitur negatiuum, ita
dictum, quia non tam est ens,
quā entis negatio, licet
æquiuocē, & per abusum vo-
cabuli dicatur ens, sicut ho-
minis statua abusiue solum di-
citur homo. Agitur autem in
Metaphysica etiam de ente
negatiuo, quia eius cognitio,
ad ens positiuum melius co-
gnosendum, maxime iuuat,
cum opposita iuxta se posita

magis elucescant.

2 Porro negatio nihil est aliud, quàm carentia, siue non esse rei, vel completæ, ut est negatio antichristi; vel incompletæ, ut est negatio formæ; quæ, si connotet subiectum aptum recipere formam negatam, ut est carentia animæ in corpore, dicitur priuatio, si verò connotet subiectum ineptum, ut est carentia quantitatis in Angelo, communi nomine appellatur negatio; & quidem, si res negata sit aliquid impossibile, ut est cætaurus, eius negatio dicitur necessaria, si verò sit aliquid reale creatum, ut est alius mundus, eius negatio dicitur contingens.

3 Dari autem realiter, hoc est, nemine cogitante, rerum negationes, ac priuationes, negari omnino non potest, vere enim, nemine cogitante,
noctu

noctu in aëre non est lux, nec datur alius Mundus, nec centaurus. Quod verò sint aliquid contradistinctum ab omni ente reali positivo, & non solū ipsum ens positivum quatenus impossibile cum alio ente, illudque excludens: probatur primo, quia noctu, manente aere, & sublato quocūque ente reali positivo, aer est tenebrosus, verè enim non habet lucem. Secundò, quia aliquod motium habet noctu intellectus ad negandum dari tunc in aere lucem, quod motium non habet in meridie, hoc autem esse non potest solus aer, & lux, cum ista dentur etiam in meridie, & tamen tunc intellectus non habeat motium ad negandū dari in aere lucem: Debet ergo esse aliquid aliud, & hoc, est negatio.

4 Hæc autem ratio exten-

F 4 di

di etiam, potest ad negationes rerum impossibilium; nā assignati etiam debet motiū quod intellectus habet ad negandum, Verbum esse creaturam; hoc autem esse non potest solum Verbum, & creatura; nam hoc totum datur etiam in propositione affirmatiua, & tamen Arrius non mouebatur ad negandum, sed potius ad affirmādum, Verbū esse creaturam. Aliquid aliud ergo debet esse, & hoc est negatio identitatis inter Verbum, & Creaturam.

¶ Tertiō quia, cū omnis propositio cōtingēs suū habere debeat verificatiū, negatiua, aliud habere nō potest, quam meram negationē, sicut affirmatiua habet existentiam; cur enim vera est propositio quæ negat Puerum habere doctrinam? certe non quia datur Puer, & doctrina, nam

hæc

hæc darentur etiã si Puer doctrinam haberet, & tamen tunc propositio esset falsa: aliquid aliud ergo ad eius veritatem requiritur; hoc autem est negatio, quam percipit intellectus dum negat, rem esse, sicut, dum asserit illam esse, percipit existentiam.

6 Quarto, quia in mutatione sæpè assignari nõ posset terminus à quo ad omnem mutationem per se requisitus hic enim sæpè est solum aliquid negatiuum, vt, cum aer à tenebris transit ad lucem, vel Puer ab ignorantia ad doctrinam, in quibus casibus assignari non potest in termino à quo forma vlla positiva, quæ cum formà introducenda sit impossibilis, sicut assignari potest, dum lignum à frigore transit ad calorem, lumen enim non habet contrarium, & doctrinæ positivæ opponi-

tur error, non ignorantia.

7 Neque dici potest, terminum à quo tunc esse, causam proximam priuationis, siue id, ratione cuius forma non est in subiecto; nam plenamque etiam causa proxima priuationis aliquam negationem necessario includit; si enim queratur, cur in Pueris sit ignorantia, respondetur, quia non studuit, & si iterum queratur, cur non studuerit, iterum respondebitur, quia à Parentibus non fuit ad studia applicatus, & hoc quia Parentes de studio non cogitarunt, &c. unde causa proxima, ipsa quoque, sine aliqua negatione haberi sapè non potest.

8 Neque recurri tandem potest ad Dei decreta, dicendo, Parentes non cogitasse, quia Deus noluit; tum quia de diuino decreto nullo modo verificari potest, quod sit
 Rega.

negatio ; neque enim ignorā-
tia , quæ est in Puero , esse po-
test decretum Dei , cum illa
dicat in suo conceptu imper-
fectionem , hoc non dicat , illa
fit in Puero , hoc in Deo : tum
quia , Deum nolle , in Puero
esse doctrinā , nihil est aliud ,
quàm esse Deum , & negatio
nem doctrinæ in Puero , decre-
ta enim libera Dei , iuxta pro-
babiliorem sententiam theo-
logicam , nihil sunt aliud , quā
infinita perfectio diuinæ vo-
luntatis connotans hoc , vel
illud obiectum creatum , per
quod fit volitio huius , vel il-
lius obiecti , eo modo , quo po-
tentia materiæ , quæ ex se est
respectus ad omnes formas ,
fit respectus ad hanc , vel illā
in particulari , per hoc , quod
hanc , vel illam connotet .

9. Denique , si negatio non
esset aliquid cōtradistinctum
ab omni ente reali positivo ,

assignari non possent extra Deum termini mutationis, quæ extra illum sit, dū Creatura aliqua ab ipso destruitur, dum enim substantia panis annihilatur in hostia, si panis negatio non daretur, quinam esset tunc extra Deum illius annihilationis terminus, ad quem? Præterea quodnam obiectum haberet decretum, quo Deus potuit, vel nolle producere vllam Creaturam, vel velle omnes destruere? tunc enim nihil daretur extra Deum, nisi sola negatio omnis Creaturæ. Si ergo hæc nō daretur, nullū haberet obiectum. Propter hæc igitur, fatendum omninō videtur, negationes, ac priuationes esse aliquid ab omni ente reali positiuo contradistinctum.

10 Hæ tamen negationes nullum aliud prædicatum habent intrinsecum, quā

non esse rem , siue esse verificatium propositionis negatiuæ, sicut ens positium est verificatium affirmatiuæ; cœtera verò prædicata, quæ illis communiter tribuuntur, vel sunt illis, aut totaliter, aut partialiter, extrinseca; vel illis conueniunt solum æquiuocè, & per abusum vocabuli, vt cū dicuntur existere, esse, &c. cū enim negationes cognosci à nobis non possint, nisi per species entis positiui, hinc fit, vt illis sæpè plura tribuamus prædicata entis positiui propria, quæ tamen illis verè non magis conueniunt, quàm hominis statuæ, aut picturæ conueniat, esse rationalem, aut risibilem.

II Vt ergò omnes tollantur æquiuocationes, cum de negationibus fiunt propositiones, quibus aliquod de illis prædicatum affirmatur, vt cū

F 7 dici-

dicitur, negatio datur, negatio est una, dantur infinitæ negationes, negatio est ab æterno, & aliæ similes, resoluendæ semper essunt in propositiones negativas æquivalentes, dicendo, *nō datur res negata, res negata non est una, non sunt infinitæ, nō sunt ab æterno, &c.* sic enim difficultates omnes, quæ circa negationes fieri solent, statim evanescent, quia omnes oriuntur ex modo, quo illas, vel concipimus, vel explicamus.

12 Denique, negationes, licet à sensibus cognosci propriè non possint, quia sensus ad obiectum aliquod cognoscendum eius indigent specie sibi impressà, quam speciem negationes non habent, cognosci tamen aliquo modo possunt quasi æquivalenter, quatenus sensus cœteras rei perfectiones percipientes, in-

ter

ter illas , formam , siue perfectionem negatam non percipiunt ; sic enim canis venaticus reliquos percipiens odores , & inter illos , odorem leporis non percipiens , percipere dicitur negationem odoris , determinaturque ad non ulterius progrediendum ; & nos , dum omnia aeris prædicata cognoscimus , & inter illa non cognoscimus lucem , dicimur ab aliquibus cognoscere tenebras , & Deus ipse , dum Mundum hunc perfectissimè cognoscens alium in eo Mundum non videt , vel prædicata hominis essentialia comprehendens , inter illa , prædicatum equi non cognoscit , negationem alterius Mundi , vel centauri , cognoscere dicitur .

CAPVT IX.

De ente rationis.

1 Sicut enti positio opponitur negatio; ita enti reali opponitur ens impossibile, siue fictum, & rationis; ita dictum, quia, licet, dum cognoscitur, aliquid habeat esse à cognitione, nullum tamen aliud esse, aut habet, aut habere potest, quam fingi ab intellectu; est enim tale, vt, si poneretur à parte rei, includeret duo contradictoria, & si intellectus illud admitteret, admittere cogeretur duas propositiones contradictorias, vnde defini-ri solet: id, quod habet esse obiectiuè tantum in intellectu: per hoc enim distinguitur tam à sole cognito, qui
præ,

præter esse cognitum, aliud habet esse reale à parte rei; & à cognitionibus, quæ non obiectiuè sunt in intellectu, sed subiectiuè; ac tandem à negationibus, quæ, præter esse cognitum, habent etiam nemine cogitante suum esse abusuum, vel actuale, vel possibile. Agitur autem de ente rationis in Metaphysica, vt, eo cognito, ens reale perfectius cognoscatur.

2. Dari es rationis, hoc est, intellectum concipere posse ex parte obiecti aliquod ens impossibile, constat primò experientia; dum enim concipimus Centaurum, experimur nos concipere, non solùm hominem, & equum separatos, sed vnitos; immò identificados, & tanquam vnum animal reale; concipere enim hominem, & equum separatos; non est concipere Ce-

taurum ; vnio ergo ista , siue
identitas , quam , præter ho-
minem , & equum , concipit
intellectus , est aliquid om-
nino impossibile , & intelle-
ctui tantum apparens .

3 Secundo , quia , dum
Hæreticus Arrianus affirmat,
Verbum esse Craturam , ap-
prehendere necessario debet,
non solum Verbum diuinum,
& Creaturam , sed Verbum
diuinum , vt identificatum
cum Creatura , & tanquam
aliquid vnum cum illa ; intel-
lectus enim , sicut nihil affir-
mare potest sine motiuo , (cū
sit potentia rationalis , quæ a-
liquam semper habere debet
rationem cui affirmet potius,
quàm neget ,) ita ad affirmā-
dum , nullam aliud habet mo-
tiuū , quàm identitatem ,
quam apprehendit inter su-
biectum , & prædicatum ; Et
hæc quidem in affirmationi-
bus

bus veris , qualis est ; *homo est animal* ; verè datur ; in falsis Verò , qualis est ; *Athyrops est albus* ; non datur , sed dari potest ; in impossibilibus tandem qualis est ; *Verbum est Creatura* nec datur , nec dari potest .

4 Sicut ergò intellectus , dū affirmat , hominem esse animal , à reali identitate , quam inter hominem , & animal apprehendit , mouetur ad hoc affirmandum ; ita , cū affirmat , Verbum esse Creaturā , moueri debet ab identitate aliquà impossibili , quam inter Verbum , & Creaturam apprehendit .

5 Neque dici potest , non moueri tunc intellectum ab ulla identitate inter Verbum , & Creaturam apprehensā , sed immediatè ad assensum determinari , à tali terminorū apprehensione , quæ ex modo tendendi vitiuo , quem ha-

habet, in suum obiectum, est determinatiua potius ad assensum, quàm ad dissensum; Nā, cur apprehensio ista est determinatiua potius ad assensum, quàm ad dissensum? certe non nisi, quia ex parte obiecti repræsentat identitatem, quam alia apprehensio non repræsentat. Præterea, ad concipiendum Cētaurum non est satis concipere hominem, & equum quomodo-cunque, sed concipi debent aliquo modo vniti. Si ergo non concipiuntur vniti per identitatem aliquam obiectiuam, concipi debebunt vniti per apprehensionem, vel iudicium aliquod illos extrinsece coniungens; hoc autem est manifestè contrā experientiam, dum enim apprehendimus Centaurum, experimur, nos non concipere apprehensionem, aut iudicium
vllum

vllum possibile coniungens
hominem cum equo; sed po-
tius vnionem aliquam simile
illi, quæ inter partes equi rea-
lis reperitur.

6 Denique, si Hæreticus
Arrianus, dum asserit, Verbum
esse Creaturam; reflectendo
suprà suum assensum iudicet,
assensum illum esse verum;
ideoque suo obiecto, ac ve-
rificatiuo conformem; cur in
hoc saltem casu, ex parte
objecti identitatem Verbi cū
Creatura non apprehendet?
hæc enim sola tunc compa-
rari reflexè potest cum illo as-
sensu, tanquam eius verifica-
tium, ac motiuum.

7 Huiusmodi tamen ens
impossibile concipi nunquam
potest ab intellectu, solum, &
per proprias species, sed
concipi semper debet simul
cum illis entibus realibus,
quorum speciebus vtitur
ad

ad illud concipiendum, siue ad quorum similitudinem illud concipit; Si enim Angelum, & entia futura, vel possibilia cognoscere nunquam potest intellectus, sola, sed semper simul cum rebus, per quarum species illa concipit; multo minus cognoscere poterit, solum, ipsum ens impossibile, cuius species proprias non habet; Vnde etiam est obiectum intellectus solum secundarium: Sicut ens reale, quia cognoscitur per species non alienas, sed proprias, quas regulariter, vel producit, vel saltem in aliquo statu exigit, dicitur obiectum primum & ab intellectu primario cognoscibile.

8 Neque obstat, quod affirmatio, & negatio idem prorsus habeant obiectum, siue habent etiam volitio, & nolitio, differantque solum
per

per diuersum modum, quo in illud tendunt, quatenus affirmatio tendit vniendo prædicatum cum subiecto, negatio verò vnum ab alio separando, vnde etiam prima dicta est compositio, secunda verò diuisio. Nam, quamuis hoc sit verum, adhuc tamen, præter obiectum affirmatum vel negatum, aliquod motuum habere debet intellectus ad affirmandum potius, quàm ad negandum; hoc autem, in affirmationibus impossibilibus, aliud esse non potest, quàm identitas aliqua impossibilis; sicut in affirmationibus veris, est identitas vera, & realis, quæ tamen non affirmatur, sed est solum motuum ad affirmandum.

9 Deniquè, ens impossibile fit, non ab intellectu solum humano, sed etiam ab angelico, & diuino; Deus enim

Gen.

Centaurum cognoscit, non solum quatenus est terminus illius cognitionis, per quam à nobis fingitur; dum illam compræhendit; sed etiam immediate, & in se ipso; independenter enim à quocumque intellectu scit Deus; centaurum existere non posse, mendacium sibi esse disconueniens ac impossibile, & alia similia, cum hæc aliquam veritatem contineant, & Deus omnem cognoscat veritatem. Quamuis autem tunc Deus res cognoscat aliter, ac sunt, hoc tamen nullam dicit, aut arguit imperfectionem; quam enim dicit imperfectionem, cognoscere res aliter, ac sunt, illas non affirmando, sed negando? certè neque dicit falsitatem, neque obscuritatem, nec alia assignari potest imperfectio, quam dicat; & aliunde Deus ita, pluribus modis,

can-

eandem cognoscit veritatem;
quod, cum sit aliqua perfe-
ctio, Deo denegari omnino
non potest.

10. Præter intellectum ta-
men, nulla alia potentia effi-
cere proprie potest ens ratio-
nis; Et sensus quidem exter-
ni illud non faciunt; quia, si-
cut sola cognoscunt acciden-
tia, ita nunquam apprehen-
dunt vnum accidens, vt idé-
tificatum cum alio; neque
enim oculus, dum baculum
videt in aqua curuum, recti-
tudinem componit cum cur-
uitate; cum, quid sit rectum,
quid curuum non cognoscat.
Immo neque tunc fallitur; li-
cet intellectui det occasione
errandi; iudicando, quod ba-
culus rectus sit curuus; phā-
tasia vero illud nō facit, quia,
& sola repræsentat accidentia,
& illa nullo modo identificat,
& quidquid repræsentat, eo-
rum

tum produci potest à Deo. Voluntas denique ens rationis non efficit, quia non dat illi primò existentiam; cum enim amare non possit, aut desiderare centaurum, nisi hic illi prius ab intellectu proponatur, consequenter supponit illum ab intellectu ià cognitum, & factum.

Iū Atque hæc ex vniuersa Philosophia cursim attigisse sit satis; è quibus, si multa, nos ignorare cognouimus, immò nos ipsos, si hoc vnum, aperte vidimus, nos, etiam in ijs, quæ cognitionis lumine assequimur, cæcutire; si Diuinam in rebus omnibus, & venari, & venerari sapientiã nostrarum parentem artium didicimus, Philosophi sumus, immò sapientes. Cœterum, si hoc minimè comparauimus, talpæ sumus, vespertilioes, ac nocturæ, & post labores in-

nu-

numeros, post tricas, ambasque difficultatum, cum ignauiz minotauro claudimur in labyrintho: sola quippe Prima Veritas est, quæ affusâ dissipat humanæ menti caliginem; quæ facem præfert, semitamque lucis ostendit, ne rerum difficilium in cognitione prolabamur; ab hac quicumque aberrat, corrui; quæ hanc sequitur, post litterarû studia, tandem lumen illud accendit, in quo videbimus Deum, sicuti est.

L A V S D E O.



THE
HISTORY OF THE
CITY OF LONDON
FROM THE
FIRST
SETTLING OF THE
CITY
TO THE
PRESENT
TIME
BY
JOHN
STOW
1618

1618

I N D E X

RERVM NOTABILIVM.

M E T A P H I S I C A E .

Primus numerus Paginam, Secun-
dus numerum significat.

A

- A** Cidens quid sit? 63.1.
*Accidentis iuharentia est modus
 distinctus.* 75.13.
*Accidentia disparata non possunt in-
 ter se identificari.* 58.11.

Actio

- Actio cur ab alio agente pendere non
 possit?* 55.9.
Actio cur sit modus superadditus? 54.8.
*Cur nequeat cum unione identifi-
 cari?* 58.11.

Actus

- Actus vitalis cur à solo Deo produci
 non possit?* 55.9.

Angelus

- Angelus specie immultiplicabilis repu-
 gnat.* 60.14.
Angelus cur indivisibilis? ibid.

Aptitudo Vniuersalis

- Vine Vniuersale.*

d

Bo-

Rerum Notabil.

B

Bonum

Bonum transcendente quid? 42.11
Boni amabilitas quid? ibid

Boni amabilitas non est vlla relatio &
denominatio connotatiua. 44.14

Bonum respectuum non est entis pro-
prietas. 43.13

Neque bonum prout est aliquid ab-
solutè perfectum. 44.13

C

Causa

Causa secunda indigent actuâli cõ-
cursu causa prima. 59.12.

Due causæ totales possunt super na-
turaliter concurrere ad eundem
effectum. 59.13

Christus

Christus Dominus cur est ens per se.

2.10.

In Christo Domino communicatio
idiomatum quid? 74.13

Cognitiones præcisiuæ

Vide præcisio.

Corpus

Corpus immobile cur implicet? 50.5.

Cor.

Index

Corpus replicari supernaturaliter potest in pluribus locis. [59.13](#)

Creatura

Creaturae cur appellentur entia secunda? [49.4.](#)

Creatura est essentialiter subiecta Deo.

[50.5.](#)

Multa ex hac subiectione inferuntur. [52.6. & seq.](#)

D

Deus

D *Eus cur dicatur ens primum?* [47.1.](#)

Deum dari lumine natura demonstrari potest. [47.2. & seq.](#)

Distinctio

Distinctio ex natura rei, & virtualis vide gradus metaphysici.

Distinctionis inditia quae? [15.13.](#)

Duratio

Duratio cur sit modus superadditus? [54.8.](#)

Cur non possit identificari cum conservatione? [58.114](#)

Cur poni non possit in alio tempore? [55.9.](#)

Duratio permanens seu indivisibilis repugnat. [61.15.](#)

d 2

Esse.

Rerum Notabil.

E

Effectus

Idem numero effectus pendere supernaturaliter potest a duabus causis totalibus. 59.13.

Ens

Ens reale quid? 3.1.

Entis definitio quomodo conveniat Deo 4.2.

Entis prima divisio. 47.1.

Secunda divisio. 63.1.

Tertia entis divisio. 76.1.

Quarta entis divisio. 101.1.

Ens ex quibus, & quomodo componitur? 5.3. & seq.

Ens quas habeat proprietates? 32.1. & seq.

Ens est verum etiam respectu intellectus creati. 40.2.

Ens increatum

Vide Deus

Entia creata

Vide creatura.

Ens rationis

Ens rationis unde ita dicitur & quid sit? 136.1.

Ens rationis datur. 137.2. & seq.

Cognoscitur solum per species alias.

Index

nas.

141.7.Fid ab intellectu humano, Angeli-
co, & Diuino143.9.Fiori non potest à sensibus, nec à vo-
luntate.145.10.

Essentia

Essentia definitio.

5.36Essentia non distinguitur realiter ab
existentia.6.4. & seq.

Essentia realiter quid sit?

2.7 & seq.Respectu existentie quam habeat
prioritatem?11.10.Ad existendum habet solum poten-
tiam metaphysicam.12.20.

Existencia

Existencia definitio.

5.3.Existencia quomodo ab essentia distin-
guatur?6.4. & seq.

Existencia realiter quid sit?

9.7. & seq.

F

Falsum quid?

41.10.

G

Gradus Metaphysici

Gradus Metaphysici inter se ex na-
tura rei non distinguuntur.14.12. & seq.

d 3

Ne-

Rerum Notabilia.

Neque virtualiter. 13. 18. & seq.

Distinguntur solum formaliter.

23. 24. & seq.

Gradus superior cur ab inferiori non sit
separabilis? 56. 10.

Gratia

Gratia cur ens accidentale? 71. 10.

I

Inherentia, vide accidens.

M

Malum

Malum absolutum: & respecti-
uum quid? 45. 15.

Metaphysica

Metaphysica cur ita dicta? 1. 1a

Eius obiectum est ens latissime ac-
ceptum. 2. 2.

Mixtum

Mixtum est ens per se, & cur? 71. 9.

N

Negatio

Negatio quid sit? 126. 1.

Negationes dantur nemine cogi-
tante. 126. 3.

Sunt contradistincta ab omni ente
reali positivo. 126. 3. & seq.

non.

Quod.

Index

Quodnam predicatum proprium habeant? 133.10.

Quomodo cognoscantur tum à sensibus, tum ab intellectu? 135.11

P

Persona

Persona quid sit? 66.3

Possibilitas

Possibilitas est denominatio rebus partim intrinseca, partim extrinseca. 12.20.

Potentia obediens

Potentia obediens activa quid? 52.6.

Potentia obediens tam activa, quàm passiva datur. ibid.

Prædicabilitas Vniuersalis

Vide Vniuersale.

Prædicatum

Prædicata contingentia rerum sunt ab illis separabilia, & cur? 53.76

Præcisio

Præcisio obiectiva non datur. 23.24.

Cognitiones præcisivæ quæ? 27.27.

Quod fundamentum habeat intellectus ad eas formandas? 30.

30. & 31.

Privatio

d 4

Pri-

Rerum Notabil.

Privatio quid sit?

126.2.

Privationes dantur nemine cogitante.

126.7.3.

Vide Negatio.

Qualitas

*Potest dari una tertia qualitas
aequalens duabus distinctis. 58.11.*

*Si daretur, diverso modo ageret, ac
agunt duae distinctae. ibid.*

Quantitas

*Quantitatis distinctio à materia unde
habetur? 54.7*

R

Relatio

R *Elatio quid?*

101.1.

Relatio quotuplex? 104 4. & 9.

Relationem dari à parte rei probatur.

101.2. & 110.10.

*Relatio predicamentalis, & transcen-
dentalis quid? 104.4. & 9.*

Per quid distinguantur inter se? 124.26

Relationis requisita quot? 104 5.6.

*Relationis fundamentum, terminus, &
ratio fundandi quid? ibid.*

*Ratio fundandi iterum quid, & quor-
suplex? 106.7 & 8*

Relatio Predicamentalis

Non est adequatè intrinseca funda-

men-

Index

- mento. 110.11.12
 Non confistit in duobus absolutis.
 112.13.
 Non est modus superadditus. 114.14.
 Est denominatio partium intrinseca
 partium extrinseca. 122.24.
 Requirit terminum actu existentem.
 123.25.
 Respicit terminum sub ratione absoluti.
 124.26.

S

Singulare

- Singulare quid? 76
 Subsistentia
 Subsistentia quid? 67.4.
 Subsistentia à natura distinguitur. 6.5
 Non est modus superadditus. 68.6.
 Subsistentia est natura completa conno-
 tans negationem unionis. 68.6.7.
 Substantia
 Substantia quid? 63.13.
 Substantia exigit subsistentiam. 66.4.
 Substantia alia perfectibiles, alia non.
 64.2.

Suppositum

- Suppositum quid? 66.3.6.
 Suppositum non constituitur, sed solum
 denominatur tale à negatione unio-
 nis. 70.8.

d

s

Vbi-

Rerum Notabil:

V

Vbicatio

Vbicatio cur sit modus superadditus?
54.8.

Cur nequeat aliò transferri? 55.9.

Vbi indiuisibile cur repugnet? 62.16.

Vbi Angelicum quomodo indiuisibile?
ibid.

Verbum Diuinum

Verbum Diuinum cur dicatur solùm
assumpsisse naturam? 73.11.

Veritas

Veritas cur secunda entis passio? 34.3.

Veritas transcendentalis non est con-
formitas rei cum suis principijs intrin-
secis. 38.6.

Est conformitas rei cum sua cognitione.
38.7.

Hæc conformitas non est relatio aliqua
realis, vel rationis. ibid.

Est conceptus connotatiuus. 39.8.

Vnio

Vnio cur modus extremis superadditus?
54.8.

Cur alias partes vniue non possit? 55.9.

Vnitatis, Vnum

Vnitatis definitio. 35.5.

Vnum quid? 34.3.

Vnum cur prima entis passio? ibid.

Finis

Index

- Eius definitio.* 35.4.
Unum negat pluralitatem solum ut si-
bi identificatam. ibid.
Unum non addit enti aliquod positum
sive realiter, sive formaliter. 35.5.
Superaddis negationem divisionis. ib.
 Vniuersale
Vniuersale quid? 76.1 & 85.10.
Quomodo opponatur cum singulari?
 76.1.
Ad vniuersale in offendo quot, & qua
requirantur? 77.2.
Vniuersale à parte rei non datur siue
ante, siue extra, siue in ipsis singulari-
bus. 78.3.
Vniuersale formaliter habetur per in-
te effectum. 80.5. & seq.
Ad Vniuersale non requiritur cogni-
tio reflexa negans singularitates, &
cur? 81.6.
Vniuersalis essentia non consistit in
unitate, & aptitudine. 83.7. & seq.
Consistit in natura abstracta. 83.8.
Vniuersalis proprietates? 85.10.
Vnitas simpliciter Vniuersalis non est
ficta. 86.11.
Vnitas naturæ Vniuersalis datur ne-
mine cogitante. 87.12.
In statu tamen reali non est vnitas sim-
pliciter. 89.13.
Contrà in statu abstractionis. 90.14.
In statu abstractionis est proprietas
 d 6 uni.

Re rum Notabil.

- uniuersalis.* 92.17
Natura vniuersalis à quo denominetur.
una simpliciter? 90.14. & seq.
Aplicando Vniuersalis non est relatio
rationis, neq. negatio indiuiduatio-
num. 93.18
Neque habetur à potentia aliqua ex-
trinseca. 94.19
Est intrinseca non repugnantia. *ibid.*
Aplicando est propria Vniuersalis posita
abstractione. 95.20
Pradicabilitas Vniuersalis quid? 97.21
Vniuersale in actuali predicatione re-
tinet suam Vniuersalitatē. 98.23
Vniuersale fieri non potest à Deo, neq.
à sensibus. 99.24
Neque propriè fit à voluntate, à secun-
da, & critica intellectus operatione,
ibidem.





